

夢

林

玄

解

夢原引

甲戌之歲。同鄉子極何公  
出家。藏夢林玄解一書。  
屬不佞訂叅刪補焉。且  
益茲所貯卷帙。更購海

內遺編以授曰書止一古今  
室附以襍辟之說蓋贈惡  
獻吉昉乎周禮非荒誕也  
不佞唯迺蚤夜簡閱一  
本養吾之舊與駿明氏所集

悉心考較。次其編目。芟其  
蕪。紊禪其缺略。不敢謬  
附。已見而亦非復曩書  
之殘。蟲以矣。凡兩經霜汗  
揖。成曰。靜念夢勾之語。倡

自○釋○典○其○實○上○古○聖○賢○是○  
風○后○力○牧○伊○尹○傳○說○之○傳○  
明○良○相○際○每○得○諸○夢○寐○  
且○孔○子○至○聖○也○其○不○為○迂○  
妄○人○所○共○信○而○亦○以○周○公○不○

夢卜。吾道之興衰。尚。可。謂。夢。  
幻。也。邪。乃。洵。人。之。疾。夢。的。  
有。源。頭。夢。之。所。形。歷。有。成。  
驗。然。則。不。溯。所。繇。來。不。稽。  
之。已。往。猶。未。成。其。書。之。全。耳。

爰據凌虛張子所輯夢占

類考而推廣之。兩分之二。一曰夢。原遡繇來也。一曰夢。徵稽已往也。使天下信其占。而又有以除其不祥。悟。

其原而要有以券其不誣罔  
鄉見而喜曰庶幾哉可以補  
寓內載籍所未備雖長柳輝  
經之今當不遇是矣遂漫

筆識此時宗祓丙子冬也。



紫水山人黃聖書于五滬

夢林玄解卷之二十九目錄

夢原

攷古

素問

二條

周禮

四條

毛詩小雅斯干

一條

孔氏

一條

列子

三條

淮南子

一條

孔穎達

一條

漢書

一條

靈樞經

一條

周書泰誓

一條

毛詩小雅正月

一條

莊子

一條

荀子

一條

說苑

二條

史記

一條

衛樂

一條

論衡 二條

嚴浩 一條

王叔和 一條

蕭方等 一條

白居易 一條

六書精蘊 一條

程子 一條

朱子 二條

黃庭堅 一條

呂祖謙 二條

輔廣 一條

王晦叔 一條

王潛夫 一條

秦再思 一條

倫道全 一條

皆夢軒說 一條

鏡玉子夢覺解 三十首并序

夢占逸旨 二十六條并序

真宰	衆占	聖人	天者	雷雨	形貌	器物	筆墨	引甲	壽命	獸羣	龜魚	旌報
----	----	----	----	----	----	----	----	----	----	----	----	----

長柳	宗空	感變	日月	山川	食衣	財貨	字畫	神怪	鳳鳥	龍蛇	草木	泛喻
----	----	----	----	----	----	----	----	----	----	----	----	----

夢林玄解卷之二十九目錄

夢林玄解 卷二十九目錄

夢林玄解卷之二十九

明

古吳外史凌虛張鳳翼錄輯

茂苑居士紫水黃堂增補

夢原

○○素問

秋刺夏分病不已令人益嗜臥又且善夢。

少氣之厥令人妄夢其極至迷三陽絕三陰微是爲少氣。是以肺氣虛則使人夢見白物。見人斬血籍籍得其時則夢見兵戰。腎氣虛則使人夢見舟船溺人得其時則夢伏水中。若有畏恐肝氣虛則夢見菌香生草得其時則夢伏

夢下不敢起。心氣虛則夢救火陽物得其時則夢燔灼脾氣虛則夢飲食不足得其時則夢築垣蓋屋此皆五藏氣虛陽氣有餘陰氣不足合之五診調之陰陽以在經脉。

○○靈樞經

正邪從外襲內而未有定舍反淫於藏不得定處與榮衛俱行而與魂魄飛揚使人臥不得安而喜夢氣淫於府則有餘於外不足於內氣淫於藏則有餘於內不足於外故陰氣盛則夢涉大水而恐懼陽氣盛則夢大火而燔灼陰陽俱盛則夢相殺上盛則夢飛下盛則夢墜甚飢則夢取甚飽則夢予肝氣盛則夢怒肺氣盛則夢恐懼哭泣飛揚

心氣盛則夢喜笑恐畏。脾氣盛則夢歌樂身體重不舉。腎氣盛則夢腰脊兩解不屬。凡此十二盛者至而寫之立已。厥氣客於心則夢見丘山煙火。客於肺則夢飛揚見金鐵之奇物。客於肝則夢山林樹木。客於脾則夢見丘陵大澤壞屋風雨。客於腎則夢臨淵沒居水中。客於膀胱則夢遊行。客於胃則夢飲食。客於大腸則夢田野。客於小腸則夢聚邑衝衛。客於膽則夢鬪訟自刳。客於陰器則夢接內客於項則夢斬首。客於脛則夢行走而不能前。及居深地苑苑中。客於股肱則夢禮節拜起。客於胞絡則夢洩便。凡此十五不足者至而補之立已也。

○○周禮

犬卜掌三兆之法。一玉兆。二瓦兆。三原兆。掌三易之法。一連山。二歸藏。三周易。掌三夢之法。一曰致夢。二曰觴夢。三曰咸陟。其經運十。其別九十。

占夢以歲時日月星辰爲運夢之吉凶  
每運九變故其別九十其術今亡矣

以邦事作八命。一曰征。二曰象。三曰與。四曰謀。五曰果。六曰至。七曰雨。八曰瘳。以八命贊三兆三易三夢之占。以觀國家之吉凶。以詔救政。

占夢。掌其歲時。觀天地之會。辨陰陽之氣。以日月星辰占六夢之吉凶。一曰正夢。二曰噩夢。三曰思夢。四曰寤夢。五



曰喜夢。六曰懼夢。季冬聘王夢。獻吉夢於王。王拜而受之。乃舍萌於四方。以贈惡夢。遂令始難毆疫。

眠祲掌十輝之法。以觀妖祥。辨吉凶。一曰祲。二曰象。三曰鑄。四曰監。五曰闇。六曰曹。七曰彌。八曰叙。九曰隤。十日想。

日者王象。夜有夢。則晝視日旁之氣。以占其吉凶。故曰輝。輝者日光氣也。每輝九變。

○○周書泰誓

朕夢協朕卜。襲于休祥。

○○毛詩小雅斯干

乃寢乃興。乃占我夢。吉夢維何。維熊維羆。維虺維蛇。大人占之。維熊維羆。男子之祥。維虺維蛇。女子之祥。

○○毛詩小雅正月

召彼故老。訊之占夢。

○○孔氏

凡夢吉凶。不必占夢之官。乃得占也。左傳。文公有夢。子犯占之。其類甚多。

○○莊子

夢飲酒者。旦而哭泣。夢哭泣者。旦而田獵。方其夢也。不知其夢也。夢之中。又占其夢焉。覺而後知其爲夢也。且有大覺而後知此。其大夢也。而愚者自以爲覺。竊竊然智之。君乎牧固哉。丘與汝皆夢也。予謂汝夢亦夢也。是其言也。其

名爲弔詭。汝夢爲鳥而厲乎天。夢爲魚而沒於淵。不識今之意者。其覺者耶。其夢者耶。

其寐也魂交。其覺也形開。

○○列子

夢有六候。一曰正夢。二曰噩夢。三曰思夢。四曰寤夢。五曰喜夢。六曰懼夢。此六者。神所交也。故陰氣壯。則夢涉大水而恐懼。陽氣壯。則夢涉大火而燔灼。陰陽俱壯。則夢生羽翼。甚飽則夢與。甚飢則夢取。是以虛浮爲疾者。則夢揚。以起。實爲疾者。則夢溺。藉帶而寢。則夢蛇。飛鳥銜髮。則夢飛。將陰。夢火。將疾。夢食。夢飲酒者。憂。夢歌舞者。哭。

神遇爲夢。形接爲事。故晝想夜夢。神形所遇。故神凝者。想  
夢自消。

信覺不語。信夢不達。物化之往來者也。古之真人。其覺日  
忘。其寢不夢。欲辨覺夢。惟黃帝與孔丘。今無黃帝孔丘。孰  
辨之哉。

○○荀子

心臥則夢。故心未嘗動也。然而有所謂靜者。不以夢劇亂  
之。故謂之靜。

○○淮南子

所謂其人者。性合於道。其寢不夢。智不萌。其魄不拂。其

魂不騰

○○說苑

心應素所應榆。我通天地。將陰夢水。將晴夢火。天地通我妖孽者。天之所以警天子諸侯也。惡夢者。天之所以警士大夫也。故妖孽不勝善政。惡夢不勝善行。

○○孔穎達

檀弓記孔子夢奠兩楹。聖人五情同乎人也。焉得無夢。

○○史記

維正月王在成周。昧爽召三公左史戎夫曰。今夕朕夢遂事寤驚。予乃取遂事之要戒。俾戎夫言之。期望以聞。

○○漢書

藝文志七略。襍古十八家。以黃帝長柳占夢。十一卷。甘德長柳占夢。二十卷爲首。其說曰。襍占家。紀百家之衆。候善惡之證。衆占非一。而夢爲大。故周有其官。周禮大卜掌三夢之法。一曰致夢。二曰觥夢。三曰咸陟。鄭氏以爲致夢。夏后氏所作。觥夢。商人所作。咸陟者。言夢之得。周人取焉。而占夢專爲一官。以日月星辰占六夢之吉凶。其別曰正。曰噩。曰思。曰寤。曰喜。曰懼。季冬聘王夢。獻吉夢於王。王拜而受之。及舍萌於四方。以贈惡夢。舍萌者。猶釋菜也。贈者。送之也。詩書禮經所載高宗夢得兌。頌文王夢帝與九齡武

王伐紂。夢協朕卜。宣王考牧。牧人有能。罔虺虺之夢。召彼故老。訊之占夢。左傳所書尤多。孔子夢坐奠於兩楹。然則古之聖賢。未嘗不以爲大。是以見於七略者如此。晉魏方技。尤時或有之。今人不復留意此卜。雖市井妄術。所在如林。亦無一人以占夢自名者。其學豈絕乎。

○○衛樂

衛玠總角時。問樂令廣夢。樂云是想。衛云形神所不接。豈是想耶。樂云因也。未嘗夢乘車入鼠穴。擣薤取鍼杆。無想無因故也。衛思經日不得。遂成病。樂爲剖析之。衛卽小瘳。樂歎曰。此兒胸中。必無膏肓之疾。

○○論衡

占夢與占龜同。

人亦有直夢。夢見甲。明日則見甲矣。夢見君。明日則見君矣。如夢見甲與君。甲與君則不見也。甲與君不見。故夢見甲與君。象類之也。

○○殷浩

或問殷浩曰。將蒞官而夢棺。將得財而夢糞。何也。浩曰。官本臭腐。故將得官而夢尸。錢本糞土。故將得財而夢穢。時人以爲名言。

○○王叔和



太醫令王叔和脉經論夢本於人之氣與素問相同

○○蕭方等

梁世子方等著論云吾嘗夢爲魚因化爲鳥當其夢也何樂如之及其覺也何憂斯類良由吾之不及魚鳥者遠矣故魚鳥飛浮任其志性吾之進退恆存掌握舉手懼觸搖足恐墜若使吾終得與魚鳥同遊則去人間如脫屣耳

○○白居易

渴人多夢飲飢人多夢食

○○六書精蘊

其夢也邪晝有邪想也其夢也漫晝有漫想也

○○程子

心所感通只是理也。如夢寢皆無形只是有此理。

○○朱子

人之精神與天地陰陽流通故晝之所爲夜之所夢其善惡吉凶各以類應。

寤寐者心之動靜也。有思無思者又動中之動靜也。有夢無夢者又靜中之動靜也。但寤陽而寐陰。寤清而寐濁。寤有主而寐無主。故寂然感通之妙必於寤而言之。周禮獻吉夢。贈惡夢。其於天人相與之際察之審而敬之至矣。

○○黃庭堅

病人多夢醫囚人多夢赦窮人夢富貴達者夢神仙

○○呂祖謙

人之精神與天地陰陽流通故夢各以類至知此者則可以言性命之理矣

形神相接而夢者世歸之想形神不接而夢者世歸之因因之說曰因羊而念馬因馬而念車因車而念蓋固有牧羊而夢鼓吹曲蓋者矣是雖非今日之想實因於前日之想故因與想一說也信如是說無想則無因無因則無夢舉天下之夢不出於想而已矣然叔孫穆夢豎牛之貌於牛未至之前曹人夢公孫彊之名於彊未生之前是果出

夢林玄解 卷二十九  
於想乎。果出於因乎。雖然。起廣樂於九原。吾知其未必能  
定是議也。

○○輔廣

詳占夢之意。先王致謹於天人之際。可謂密矣。惜乎古法  
不傳也。後世之人。情性不治。晝之所爲。猶且昏惑。瞽亂。不  
自知覺。則其見於夢寐者。率多乖戾。未必與天地之氣相  
流通。縱有徵兆之可驗者。亦須迂迴隱約。必待既驗而後  
可知。古法若存。未必能盡占也。

○○王晦叔

天人同流。相應而不遠。先王必立官以觀妖祥。辨吉凶。所

以和同天人之際使之無間也

○○王潛夫

夢列篇曰夢有直有象有精有想有人有感有時有反有病有性昔武王邑姜娠太叔夢帝謂已命爾子虞而與之唐及生手文曰虞因以爲名成王滅唐遂以封之此直夢也詩曰維熊維羆男子之祥此象夢也孔子思周公夜卽夢之此精夢也人有思卽夢其至有憂卽夢其事此想夢也今事貴人夢之爲祥賤人夢之爲殃君子夢之爲榮小人夢之爲辱此人夢也陰雨之夢使人厭迷陽旱之夢使人亂離大寒之夢使人怨悲大風之夢使人飄飛此感夢

也。春夢發生夏夢高明。秋冬夢熟藏。此時夢也。晉文公城濮之戰。夢楚子伏已而盥其腦。本大惡也。及戰乃大勝。此反夢也。陰病夢寒。陽病夢熱。內病夢亂。外病夢發。百病之夢。或散或集。此病夢也。人之心情好惡不同。或以此吉。或以此凶。當各自察。常占所從。此性夢也。故先有所夢。後無差忒。謂之直。比擬相肖。謂之象。凝念注神。謂之精。晝有所思。夜夢其事。乍吉乍凶。善惡不信。謂之想。貴賤賢愚。男女長少。謂之人。風雨寒暑。謂之感。五行王相。謂之時。陰極則吉。陽極則凶。謂之反觀其所疾。察其所夢。謂之病。心情好惡。於事有驗。謂之性。此十者占夢之大略也。而決吉凶者。

多失其類。豈覺爲陽寐爲陰。陰陽之務相反故耶。此亦謂其不甚者爾。如使夢吉事而已意大喜樂。則真吉矣。夢凶事而已意大憂懼。則真凶矣。所謂春夏夢生長。秋冬夢死傷也。凡察夢者。清潔鮮好。貌堅體健。竹木茂美。宮室器械新成方正。開通光明。溫和升上。向興之象。皆爲吉喜。謀從事成。穢臭污濁。腐爛枯槁。傾倚欹邪。剗削不安。閉塞幽昧。解落墜下。向衰之象。皆爲凶懼。計謀不從。舉事不成。妖孽怪異。可憎可惡之事。皆爲憂患。圖畫卵胎。刻鏤非真瓦器。虛空皆爲欺紿。倡優俳舞。併小兒所戲弄之物。皆爲觀笑。此其大都也。夢或甚顯而無占。或甚微而有應何也。曰。所

夢不察而懵懵冒名也。故亦不專信以斷。今人相對計事。尚有不從。沉慌忽雜夢。亦何必乎。唯有精誠所感。神靈所告者。乃可占耳。故君子之異夢。非妄也。必有事故焉。小人之異夢。非榮也。必有真機焉。今一寢之夢。或屢遷化。百物代至。而其主不能究道之。故占者有不中。此非占之罪也。乃夢者過也。或其夢審矣。而占者不能連類博觀。故其夢有不驗。此非書之陋。乃說之過也。故占夢之難者。讀其書爲難也。夫占夢必審其變。故審其徵候。內考情意。外考王相。則吉凶之符可見也。且凡人之見瑞而脩德者。福必成。見瑞而縱恣者。福轉爲禍。見妖而驕侮者。禍必成。見妖而



戒懼者。禍轉爲福。故太姒有吉夢。文王不敢康吉。祀於羣  
神。然後占於明堂。竝拜吉夢。脩省戒懼。聞喜若憂。故能成  
吉。以有天下。虢公夢見蓍收。賜以土田。自以爲有吉。史墨  
令國人賀夢。聞憂而喜。故能成凶。以滅其封。易曰。使知懼  
又明於憂患。與故凡有異夢。感心無問。善惡常恐懼。脩省  
以德迎之。乃能逢吉。

○○秦再思

紀異錄。長安興義寺。有僧智滿。善圓夢。寺有神堯皇帝賜  
額圓夢堂。蓋不獨南唐徐文幼能圓夢始也。

○○倫道全

茸談曰。今人說夢。有醒而述其所見。爲說夢者。有夢中述其所夢。爲夢中說夢者。有夢中見夢。覺而後。知其爲夢中作夢者。有三醒三夢。夢悉如前而不改者。有平常所夢。如期而復夢其事。歷年若是者。有所夢驚覺轉睡而仍接前夢者。有甲夢乙。而乙亦夢甲。兩夢相應者。有甲夢如是。而乙夢亦如是。兩夢相同者。不可類述。皆神魂變幻。難以臆測也。

○○皆夢軒說

余客松上。夢一道士。戴華陽巾。着黃練衣者。來訪余。揖而問曰。客誠有道之士耶。何衣冠之異也。客笑曰。予未聞道。

也。吾身。蛻也。衣。又吾之所以蛻所蛻也。蛻且非吾有。蛻所  
蛻吾爲乎有哉。余三。若是。則遊方之內者。縣而未解也。請  
論縣解可乎。客曰。然。子以淳于棼之典郡貴乎。曰。不足貴  
也。子以莊周之爲胥樂乎。曰。甚樂。客曰。是二者皆未足以  
語縣解也。敢問何謂耶。曰。汝於周則樂於棼則不貴。豈以  
螳夢則夢。胥夢則非夢也。於一夢而別二夢。是非縣之未  
解乎。今吾有術能與萬物變化。試使汝一爲胥。一爲螳。子  
且樂乎。且不樂乎。抑將以胥爲樂。螳爲不樂乎。曰。悉不願  
也。曰。然則子於胥夢悅。於螳夢憂。悅爲火災。憂爲寒水。寒  
熱戰於內。冰炭膠其胸。縣之不解。不旣深乎。且子嘗於夢

曉夢乎。曰有之。嘗於夢曉夢覺乎。曰未也。曰諾哉。今巖穴之客。江湖之士。投簪紱而謝人事。其往幾人。其來復幾人。吾視此。猶夢曉夢也。非夢曉夢覺也。曉夢覺者。孰有覺而曉夢之樂乎。人能於夢曉夢而不能於夢曉覺。是故終身遊於大夢而不知覺也。於夢曉覺者。其唯聖人乎。然夢覺可以致而不可以傳也。遊日中者。忘昏夜之幽。趨燈燭者。忘暗室之陋。吾燭子以暗室之光。而不知大道之冥。皎子以望舒之魄。而不知陽烏之赫。與子遊夢而不知相之非吾。是以道可致而不可言。縣可言而不可解。詎不信夫。於是恍然而醒。惕然而起。不知夢之爲吾。吾之爲夢。童子擁

讐而進曰。皆夢先生來也。遂理前夢爲皆夢軒說。

○○鏡玉子夢覺解

有引

呂仙祠在邯鄲之北。呂仙憇此。遇盧生自歎貧厄。世緣未了。仙以枕授生曰。枕此。令子榮適如意。主人方炊黃粱。生就枕。夢畢。姻登第。歷官中書令。年八十卒而寤。睨翁在旁。炊粱尚未熟。謝曰。先生教我矣。後人榜其奇祠其地。貌其神。而盧生睡像存焉。鏡玉子與客徘徊久之。愀然問客曰。若以爲玄乎。人盡盧生。人不盡悟盧生也。逐塵緣之覆鹿。任身徑之亡羊。過鳥流雲。何里清虛一竅。草根木葉。

徒牽絳繯千密。試問虛生未遇時。化去時醒。回時誰真。誰幻。誰夢。誰覺。說法經云。一性自往來。寤寐都爲幻。生滅二因離。是則常真實。道德經云。生生化化。又云。不生不化。夫人止一性。萬劫恆靈。但迷此卽斷。脩此卽了。區區天子之形體。畢竟還天。天不有形體。而人欲據之。爲有乎。泥形體中之榮枯。之得失。之愉拂。石中火。水中漚。電中光。鏡中影。乎。獨是本性不迷。造化在我。至人脫離生死。以此耳。若覓夢覓覺。覺卽是夢。認真認幻。真亦非真。本無夢也。而意授塵。塵授夢。夢轉開覺。本無生也。而靈

寄。形。形。寄。生。生。終。歸。化。烏。知。赫。赫。者。非。甦。於。仙。枕。  
也。烏。知。營。營。者。非。角。於。虛。空。也。百。年。食。息。總。似。黃。  
梁。一。瞬。韶。華。渾。如。迷。寐。精。不。控。定。性。關。尋。出。世。路。  
正。恐。炊。未。熟。而。夢。已。殘。一。性。落。萬。輪。中。能。堪。幾。虛。  
度。乎。客。然。其。言。遂。銓。演。其。意。作。夢。覺。解。三。十。首。

其一

塊形隨化轉。空靈轉夢覺。何但夢中身。何添夢後覺。

其二

枕上非非夢。夢中非非覺。寤來身外身。立證覺中覺。

其三

覓覺覺仍夢。破夢夢成覺。四大總幻形。來去何悲樂。

其四

夢中還夢夢。覺後幾覺覺。真性本無形。迷夢縛空殼。

其五

塵攘非關夢。明妙非關覺。撒手坐懸崖。魂清夢亦覺。

其六

無中有成夢。有中無纔覺。叅證無生解。玄棲脫糞殼。

其七

夜晝兩平分。夢覺半相角。駒隙夢中身。清晝孰先覺。

其八



世宙一蘧廬。羲輪驅夢覺。堪笑利名場。勞勞夢裏角。

其九

不醒百年夢。長迷萬輪覺。濁利固蜣丸。浮名亦蝸角。

其十

解道塵爲夢。孰圓夢處覺。一絲了不牽。沆瀣亦可啄。

其十一

覺海淘無始。夢團轉妙覺。陸地有蓬瀛。風塵漫自駁。

其十二

爐火炊邊夢。未熟何先覺。靈藥自心苗。毒藥等五濁。

其十三

一枕八十秋。方炊夢已覺。古今如電光。仙枕亦塵殼。

其十四

化夢隨化身。化中身似覺。夢殘身就是。幻形構幻覺。

其十五

夢生復夢滅。無覺轉生覺。妄起生滅因。回頭返大覺。

其十六

化生儻生化。孰夢更孰覺。生化識前因。靈光納五嶽。

其十七

夢裏囀塵謝。夢回止帶覺。泠然一虛無。尋覺已無覺。

其十八

茫茫競空華。真如夢未覺。石火與泡漚。到頭覺不覺。

其十九

虛轉劫中夢。誰招三昧覺。不謂六根空。試悟蛻蟬殼。

其二十

浮生一大夢。參來夢卽覺。萬劫一吹中。真靈堪幾剝。

其二十一

細人迷劫夢。豪人騁慧覺。火馳燒空靈。北邙冷荒塋。

其二十二

大巧械爲君。機鋒剗性覺。一瞬鐘漏殘。巧貢蟻鷃啄。

其二十三

一枕繁華夢。蕭然遽遽覺。何如淨塵根。混沌了未斲。

其二十四

空解攢虛無。請印黃梁覺。一嘯乾坤空。月光那可捉。

其二十五

倪真纔倪幻。大夢在大覺。夢覺多幻因。妙竅還其朔。

其二十六

有塵因有夢。無夢亦無覺。雲浮與雲空。月明光自遶。

其二十七

至人本無夢。至覺亦無覺。仙翁轉法輪。游戲點夢覺。

其二十八

無分周與蝶。疇知夢與覺。將無軒仙枕。覈玄早證覺。

其二十九

亦解謝塵纓。主恩重山嶽。舒卷雲無心。空澄不礙覺。

其三十

枕上盧生夢。終古阿誰覺。疑是夢游仙。夢中解夢覺。

○○夢占逸旨

有序

嘉靖壬戌之秋。八月既望。陳子坐蒲陽軒中。睇月色之漸高。忻桂華之始放。感盈虧之轉轂。念榮瘁之循環。於是舉酒命酌。興發成酣。枕簟載清。隕然就寢。夢皓眉之老叟。披霞服而降庭。授以一函。金

交炫目。宛利斗之古篆。欲宣誦而未能藏襲袖間。猶恐遺脫。獲茲奇玩。心復生疑。乃再拜問叟曰。子與君遇。無乃夢乎。叟笑曰。何遇非夢。何夢非真。忽起譙聲。予遂驚寤。晨興喟歎。是何祥也。研思終日。莫得其繇。嗟夫。夜之遇叟也。其真也耶。晨之喟歎也。其夢也耶。將詢兆於占人。慨輝經之墜地。輒據見聞之末。撰茲內外之篇。用述微悰。題爲逸旨。拂常隱語。豈追醉夢之譏。遁世朽夫。聊增噓譚之助。爾壬戌九日。應城養吾道人陳士元識。

○真宰

真宰窈冥。無象無形。瀕濛渾穆。氣數斯涵。氣判陰陽。數苞終始。天旋地凝。兩間定位。而人物生矣。人葆冲和。肖乎天地。精神融貫。無相盪也。天氣爲魂。地氣爲魄。氣清者魄從魂。氣濁者魂從魄。從魂爲貴。從魄爲賤。清魂爲賢。濁魄爲愚。此壽夭福禍之閫也。有貴而賢。有賤而愚。有壽而福。有夭而禍。有貴而愚。有賤而賢。有壽而禍。有夭而福。世變無恆。幾則先肇。魂能知來。魄能藏往。人之晝興也。魂麗於目。夜寐也。魄麗於肝。魂麗於目。故能見焉。魄宿於肝。故能夢焉。夢者神之遊。知來之鏡也。

○長柳

長柳之演載諸藝牒其詳不可得聞已周官大卜掌三兆三易三夢之法三夢一曰致夢二曰箝夢三曰咸陟又以八命贊三兆三易三夢之占以觀吉凶夫兆倚龜而徵焉賴著而顯著龜外物也聖人設教利用猶足以通於神明稽乎大疑乃若夢本魂涉非由外假度其端倪探其隱蹟則榮枯得喪易得而運諸

○眾占

眾占非一惟夢爲大夢與兆易準故三代尚焉洛出丹書乃設九疇兆法著矣河出綠圖乃列八卦易法行矣占夢



之秘。固性命之理。而兆易之揆也。三兆之體。其經皆百有二十。其頌皆千有二百。三易之體。其經皆八。其別皆六十有四。三夢之輝。其經皆十。其別皆九十。夢與兆易。豈有隆降矣。武王伐紂。夢協朕卜。衛史朝曰。筮襲於夢。武王所用。非達觀陰陽之故。深究天人之際。其孰能與於此。

○宗空

宗空生問於通微主人曰。夢者幻也。與露電泡影等。一切起滅皆歸虛妄。主人曰。汝奚不稽之古乎。軒轅氏有華胥錄圖。風后力牧之夢。堯有攀天乘龍之夢。舜有長眉擊鼓之夢。禹有山書洗河乘舟過月之夢。桀紂有黑風大雷之

夢。文王有日月丈人海婦之夢。太公有輔星之夢。孔子有  
先君芻兒三槐赤氣之夢。女節有接星之夢。太姒有松栢  
棫柞之夢。伊母有白水之夢。孔母有空桑蒼龍之夢。比事  
皆孚。何爲虛妄。生曰。此緯錄稗說。六經未載也。主人曰。九  
齡之與兩楹之奠。記於禮經。而春秋傳說夢尤繁。若晉侯  
夢熊。宋公夢鳥。呂錡夢射月。聲伯夢涉洹。魯昭夢襄公。宋  
元夢平公。晉文夢楚子。衛莊夢良夫。烝鉏夢康叔。燕妹夢  
伯儵。曹人夢振鐸。鄭人夢伯有。趙盾夢叔帶。荀偃夢巫臯。  
魏顆夢老人韓厥夢其父。穆子遇庚宗之婦。僖子納泉丘  
之女。以至羸童二豎。天使河伯之名。罔不紛陳錯繆。而邑

姜之夢虞寔述於博物之子產。往代君子覽而業之。垂及千載。豈皆習誕而承贗耶。生曰。禮記諸篇。或雜漢語。左氏務博。未免浮誇。何足符信也。主人曰。汝以師心之識滯其圓神爾。夫商周之書。小雅之詩。非聖人之所刪定者邪。高宗夢說。審象旁求。武王誓師。朕夢協卜。而宣王築室。考牧有熊羆虺蛇。衆魚旐旗之夢。又使大人占之。致其嚴重。未敢褻也。雖幽王之朝。訛言莫懲。猶且召彼故老。訊之占夢。然則古人曷嘗忽厥夢占哉。而緯稗所載。足用資擇。胡可概以爲寤。而無辨也。

○聖人

聖人無夢。資蓋虛談云。人而無夢。槁形灰心之流。不寐不覺。不生不滅。所樹異教也。聖人莫加於孔子。孔子壯則夢見周公。卒則夢奠兩楹。豈語怪哉。赤子之生。方浹旬日。其寢而寐。乳之弗受。携之弗驚。已或迢然笑焉。或艷然怒。寤以啼焉。謂之夢笑。夢啼。徐而叩之。實未嘗寤也。夫赤子無感。何喜何怒。而夢有所成。則氣爲之充。而神爲之使也。聖人之心。不異赤子。託神靈府。含陰吐陽。非無夢也。無妄夢。以亂智爾。楊朱乃謂五帝之事。若覺若夢。其不免岐路之悲乎。

○感變

感變九端。疇識其由。然哉。一曰氣盛。二曰氣虛。三曰邪客。四曰體滯。五曰情溢。六曰直叶。七曰比象。八曰反極。九曰厲妖。何謂氣盛。陰氣盛則夢涉大水而恐懼。陽氣盛則夢大火而燔灼。陰陽俱盛則夢相殺。上盛則夢飛。下盛則夢墜。甚饑則夢取。甚飽則夢予。肝氣盛則夢怒。肺氣盛則夢恐懼。哭泣飛揚。心氣盛則夢喜笑。恐畏。脾氣盛則夢歌樂。身體重不舉。腎氣盛則夢腰脊兩解。不屬。短蟲多則夢聚衆。長蟲多則夢相擊毀傷。此氣盛之夢。其類可推也。何謂氣虛。肺氣虛則使人夢見白物。見人斬血籍籍。得其時則夢見兵戰。腎氣虛則使人夢見舟船溺人。得其時則夢伏。

水中若有畏恐。肝氣虛則夢見菌香生草。得其時則夢伏樹下不敢起。心氣虛則夢救火陽物。得其時則夢燔灼。脾氣虛則夢飲食不足。得其時則夢築垣蓋屋。此氣虛之夢。其類可推也。何謂邪寓。厥氣客於心則夢見丘山煙火。客於肺則夢飛揚見金鐵之奇物。客於肝則夢山林樹木。客於脾則夢見丘陵大澤壞屋風雨。客於腎則夢臨淵沒居水中。客於膀胱則夢遊行。客於胃則夢飲食。客於大腸則夢田野。客於小腸則夢聚邑衝衢。客於膽則夢鬪訟自刳。客於陰器則夢接內。客於項則夢斬首。客於脛則夢行走而不能前。及居深地窈苑中。客於股肱則夢禮節拜起。客

於胞臚則夢溲便。此淫邪之夢。其類可推也。何謂體滯。口有含則夢強言而暗。足有絆則夢強行而蹢。首墮枕則夢躋高而墜。臥藉徽繩則夢蛇虺。臥藉彩衣則夢虎豹。髮掛樹枝則夢倒懸。此體滯之夢。其類可推也。何謂情溢。過喜則夢開過怒則夢閉。過恐則夢匿。過憂則夢噉。過哀則夢救。過忿則夢詈。過驚則夢狂。此情溢之夢。其類可推也。何謂直叶夢。君則見君。夢甲則見甲。夢鹿則得鹿。夢栗則得栗。夢刺客則得刺客。夢受秋駕則受秋駕。此直叶之夢。其類可推也。何謂比象夢。將蒞官則夢棺。將得錢則夢穢。將貴顯則夢登高。將雨則夢魚。將食則夢呼犬。將遭喪禍則夢

衣白。將沐恩寵則夢衣錦。謀爲不遂則夢荆棘泥塗。此比  
象之夢。其類可推也。何謂反極。有親姻燕會則夢哭泣。有  
哭泣爭訟口舌則夢歌舞。寒則夢煖。飢則夢飽。病則夢醫。  
憂孝則夢赤衣絰袍。慶賀則夢麻苴凶服。此反極之夢。其  
類可推也。何謂厲妖。強死之鬼。依人爲殃。聚怨之人。鬼將  
有報。其見之夢寐者。則由已之志慮疑猜。神氣昏亂。然後  
鬼厲乘其類瑕。肆其怪孽。故禍災立著。福祉難祈也。乃若  
晉侯受繫於秦。伯燕王貶徙於房州。則又其次矣。此之謂  
厲妖之夢。其類可推也。凡此九端。感變雖殊。占應則一。或  
同而異。或異而同。不可據其往規。卽譚凶吉。王符夢列篇



備矣。

○天者

天者羣物之祖至尊之位。故曰天子者天帝之子也。昔崔  
靈運夢蕭道成爲天帝第十九子。而孫奉伯亦夢道成乘  
龍上天。夫南齊之主閔餘耳。猶且上應天命。況勳弘混一。  
位居正統者乎。是故漢文帝夢黃頭郎推已上天。宋神宗  
夢神人捧已登天。漢光武夢乘赤龍上天。而馮異遂與諸  
將勸立。趙汝愚夢負白龍升天。而理宗果以素服卽位。此  
四帝者漢宋之賢主也。和熹鄧后夢以手捫天。而臨朝策  
立。有功漢祚。豈比宇文泰之母夢抱子升天。未至而止。陶

弘景之母夢扶已升天。無後而絕者哉。乃若劉穆之夢合  
丹升天。竟登僕射。韓稚圭夢捧天者。再歷相二君。陶侃薛  
安都夢謁天門。皆秉節鉞之貴。秦穆公趙簡子夢至帝所。  
咸徵後裔之昌。叔孫穆子夢人助已勝天。終有餓死之奇。  
禍。武士護夢帝騎已上天。卒蒙追冊之僞名。然而晉之小  
臣夢負景公登天而出。廁之後。卽以爲殉。漢之許楊夢上  
天。爲天帝所怒。乃功成善。唐之賀知章夢上天。遍遊帝居。  
僅得請爲道士。嗚呼。吉凶可易占哉。

○日月

日月極貴之徵也。昔漢武帝之母有神女授日之夢。而宋

之太宗真宗仁宗寧宗其母之娠而育也蓋莫不夢日云  
或納日於襟懷或得日於神授或日墜而承之以手或日  
逼而承之以裾下至僭竊之輩夷狄之君如孫權啓吳劉  
淵稱漢拓跋開魏耶律興遼咸有夢日之兆豈非據鎮一  
方統馭萬姓其照蒞之誼名位之尊固有日之象也哉善  
乎衛靈公有言曰夢見人君者夢見日非寵君可喻也夢  
鬪日不勝而知齊景公之病瘳夢日繞軍營而知晉明帝  
之駕至陳高祖夢朱衣神人捧日而納其口唐玄宗夢緋  
禪兵士負已而出諸井故魏文帝陳世祖皆夢日墜地而  
懷其三分之一者未能總合寰區之象也夫日爲至陽之

精近之者顯程立夢捧日以立。而更名曰昱。韓氏夢朝日  
初出而命男曰暘。陶母夢日精在懷。而私景以僊術揚名。  
楊母夢日光射身。而煥然以文章致貴。賈隱林夢日墜於  
首。而職陞糾察。范應鈴夢日照於戶。而官任少卿。楊炎夢  
登山捧日而位晉中書。鄭光夢馳車載日。而爵除節度。海  
陵守夢以身承日。而驟典機密之務。肥如令夢以牛挽日。  
而終授散騎之銜。茲非近君之驗耶。然毛貞輔夢吞日腹  
熱。可謂貴兆。而占者僅許爲赤烏場官。蓋得推夢之圓法  
矣。乃若月爲衆陰之長。亦上天之使也。呂錡夢射月而楚  
師敗者。周王爲日而楚爲月也。漢元后之生與夫齊婁后

之生女也。皆有懷月之夢。果應妃后之尊。孫策蕭繹。其母皆夢月而策爲吳王。定都江左。繹爲梁帝。肇迹湘東。然享國皆不久遠。豈能外其盈虧之數乎。闕澤幼年夢名在月中。范純仁初誕。夢兒墮月中。其清輝高舉。傳映後世。宜矣。

○雷雨

雷雨星電雲飈火水晴晦之類。皆天象也。風雷爲號令。雨爲恩澤。瑞星彩雲電火爲文明。冰泮爲婚媾之期。此理微矣。齊之竇母夢雷電耀目而泰生。宋之宗母夢雷電燭身而生。澤夢雨中戴帽者。未沾一命之榮。夢江上逢雷者。果膺百里之宰。若夫星爲元氣之英。豈惟庶民之象。故北斗

爲尚書之位。而士人夢此。則有魁元之選。長庚星應於李翰林。老人星應於臧諫議。黃亢之母夢吞星。而亢名顯於宋代。黃潛之母夢懷星。而潛業著於元朝。北齊高歡步履星樞。南唐伍喬名符星號。由是觀之。則知夢星臨身者。爲吉。夢星墜野者。非祥。火亦陽精。颶爲噫氣。智伯夢火光見於秦楚之邦。仲尼夢赤颶起於豐沛之郡。化彩雲而成鳳。徐陵降誕之禎。立堅冰而語人。令狐媒介之兆。錦虹升天。驗李雄之僭號。黑風破屋。歎夏桀之將亡。雲團入口。知文舉之將興。雲氣暗星。測北敵之爲禍。張鷟夢卿雲覆身。而射策第一。崔母夢碧雲授函。而生女爲仙。其文虔祈晴。許

份禱雪。達奚請雨之夢。則精誠感格。上下流通。亦恆理爾。未足訝也。

○山川

山川道路土石皆地之屬。王充論衡曰。山陵樓臺官位之象也。人夢升山陵上樓臺。輒得官位。信斯言也。則峰巒殿閣爲貴顯之標。江海波濤爲財富之藪。故劉穆之夢海峰秀而應召。李虛中夢泰山裂而大還。薛琬夢張亮掛絲在山。謝奉夢鄭猷爭錢落水。唐玄宗夢遊潛山之井。齊世祖夢踐文王之田。漢武帝夢登嵩山。隋文帝夢遭洪水。宋主夢河中水涸。梁君夢田邊水深。鄭解夢遇吏而浴池。張敏

夢尋友而迷路。謝靈運夢茅洞。趙相璟夢柳河。孫贊明夢浴溫泉。鄧士載夢觀山水。夢持浮磬之精。則生令子。夢浣西江之水。則進佳文。夢丘陵頓起。果徵道路之崎嶇。夢中原告平。終驗寰宇之寧謐。夢海濱送塔。而僧言可信。夢東南傾地。而江左難平。然則陶唐氏夢登山乘龍者。豈非尊踐天位之兆。

高皇帝夢流水及足者。又非功銘邊界之符也哉。至於樓臺城郭。厥兆不同。漢明帝夢金人行御殿。唐明王夢諸仙遊月宮。王素夢至玉京。牛益夢至天第。方朝散夢玉華殿。王平甫夢靈芝宮。蔡君謨夢臥譙樓。沈瑞夢書范宅。應鈴



之祖夢雙日照戶。張猛之母夢襲綬登樓衛莊公夢至昆  
吾臺。齊世祖夢行太極陛。傅游藝夢涉湛露殿。荀伯玉夢  
上廣陵城。崔元綜夢赴履信坊。丁元珍夢謁黃牛廟。若夫  
石曼卿爲芙蓉城主。歐仲純爲長白山君。蔣兒爲太山伯。  
趙父爲澧州神。玄宗造九天採訪宮。陸洎判九州陽明府。  
崔宅禱疾於后土。徐精生子爲社公。則又夢之怪誕難於  
究詰者也。

○形貌

形貌聲音發於夢兆。至無定也。莊子曰。夢哭泣者旦而田  
獵。列子曰。夢歌舞者哭。長柳經曰。夢吹噓者欲有求。是哀

樂相倚伏。而氣機自旋轉。知此而他可測矣。昔晉侯夢楚  
子監其腦。鄭灼夢皇侃唾其口。劉之遴夢爲折臂太守。張  
司直夢爲懷孕婦人。楊子雲夢吐五臟。張審通夢增一耳。  
魏延夢頭上生角。鄭獬夢臂上生鱗。鄭玄夢刀破其心。而  
尹知章之少年。亦夢鑿破其心。丁固夢松生其腹。張志和  
之母氏亦夢楓生其腹。齊景公夢人黑而短。李林甫夢人  
背而髯。馮德明夢易肺肝。王仁裕夢洗腸胃。張后夢神劍  
決腸。孫母夢吳門繞腸。賈弼之夢人易其頭。司馬懿夢帝  
枕其膝。王處訥夢剖胸納其巨鑑。武玄照夢滌腹受其靈  
符。沈約夢斷舌而巫人之言相同。唐主夢斷頭而太子之

禪不爽。夢舉體毛生而齊世祖卽位。夢舉體火熱而張敬  
兒伏誅。夢換鬼眼而陶學士不至尊官。夢變虎頭而李太  
守卽承封誥。夢與鬚者位登宰相。夢擇鼻者官至郎中。李  
廣夢苦心。劉誕夢失髮。周昭王夢摩臆。隋文帝夢獨拳。米  
元宗夢妻面黑痕。宋羅妻夢佛手如席。宋榮婦夢人流血  
而避亂。顧琮夢母下體而得生。夢臀黑而知晉侯受命於  
天神。夢隱毛而知酈範豪盛於齊下。推斯類也。若有神明  
握其樞機。非人力所能轉移者矣。

○食衣

食衣人生之切用。昔何點夢服九藥一掬而病痊。齊后夢

食麻粥兩甌而乳出。韓退之夢吞丹篆一卷。虞仲翔夢吞周易三爻。張迥夢吞五色雲團。李母夢吞八仙字錄。趙道士夢吞青栢葉。馮侍郎夢吞紺蓮華。劉贊夢吐金龜。邵婦夢用玉筋。侯弘實夢飲河水。王仁裕夢飲西江。張汝明夢服南星。唐玄宗夢餐藤蕊。夏侯訴夢仙藥。可以痊母病。陳宜中夢大黃。可以愈天災。江紉夢飲慧眼之泉。丘傑夢噉生菜之毒。謝進士夢吞珠顆。而詩名大播。唐僖宗夢吞棋經。而奕旨頓運。然則劉散宜夢吞土。而吉。梁大宗夢吞土而凶。又豈可一端論乎。若夫有夏神禹之初生也。而修己夢吞薏苡。追我

大明太祖之方娠也。而陳后夢吞藥丸。此則兩儀純粹之氣鍾於二代。聖母之身。史冊流輝。古今傳映。非凡夢比也。至衣服之夢。亦有可占。索充夢虜脫衣。陳遵夢兒挽袖。漢武帝夢繡衣。使者王相國夢綠衣。卅童李皇后夢羽衣。降自牕中。齊世祖夢桑屐。行於殿上。劉將軍夢褥席之賜。竇中丞夢股肱之衣。費絢夢衣錦在井而榮歸。托跋夢脫冠臥地而被害。夢筆畫衣邊者。徵南齊帝位之踐。夢日入裙下者。兆北齊後主之生。鄧攸夢水旁斷囊而授汝陰太守之符。到溉夢湘東脫帽而膺會稽長史之職。樂彥禎夢帶履舄而行。果有警於軍士。王源叔夢引紫服而進。終

有驗於荆公李固言夢著宰相禮衣劉審義夢受孝子緋服薛母夢錦衣一篋而生子爲秘書監仙母夢朱衣滿空而生子爲司命君至於方父夢赤衣跪告緩期裴君夢續衣拜禰謝德乃蛇雉化形禍福有報者也

○器物

器物應夢昔有明徵如商湯夢人負鼎劉沔夢人授燭陶侃夢司馬與鎧魏武夢三馬同槽梁太祖夢對奕擾道唐武后夢雙陸不勝張猛之母夢佩印綬於樓中李白之母夢得棋于於戶外劉黑闥夢牡丹漆置器王茂惠夢達等夢器錢鞏之夢以銀盃爲琰張瞻夢以石臼爲炊王清夢懸

四刀。徐溥夢授六鑰。劉仁恭夢佛幡出指上。沈慶之夢幽  
簿入廁中。陶母夢香爐降室。徵弘景之登仙。任母夢彩蓋  
懸鈴。兆彥升之通顯。夢女子携巨篩行空中。驗金陵之漂  
杵。夢神人昇大秤較天下。知昭容之秉衡。到母夢置鏡在  
懷而生男。王子夢納鏡在腹而明術。元質夢挽弓射狗而  
得第。混墳夢載弓入海而成功。夢儀衛喧迎而宣宗踐祚。  
夢絳帳流遶而尹喜誕生。夢道士持旌節而李涼公卒於  
天室。夢僧童持寶幢而薛中丞卒於臺省。乃若舟車之器  
應夢亦殊。鄭光之夢車載日月。劉之夢舟施華蓋。沈嶠  
夢渡江覆舟水分兩段。何休夢乘舟渡水舟判兩頭。謝安

夢乘極溫之輿杜稜夢討侯景之艦此舟車之應夢者也  
舟車之外有益民用者孰非器物也哉惟聖人能制器而  
尚象在君子貴藏往而知來

◎財貨

財貨之夢珠玉錢帛之類是也夢糞穢木石者得財帛夢  
珠玉錢帛者多光顯昔樂史之母夢珠五色佛祖之母夢  
珠二枚西施之母夢珠射身冠瑱之母夢珠入口南齊桓  
公夢食玉勝北齊胡氏夢坐玉盆邵康節之母夢用玉筯  
章得象之母夢獲玉像宰相張說夢玉燕而生郎中李朝  
夢玉魚而卒彥緒夢婦人取臺鏡閭涉夢母子贈金錢范



母夢金席而生男。晉帝夢玉盤而享位。梁主夢曹武借錢。謝奉夢鄭猷爭錢。夢司錄貸錢千萬而貧儒頓富。夢神人賀錢百萬而長子驟亡。曹丕夢磨錢。章與夢積笏。沈弘先夢得絹兩疋而壽算有定。江文通夢還錦數尺而文名遽衰。夫財貨之夢不一。此固其式也。

○筆墨

筆墨亦器物之類也。然文人才士賴此以展其情。往蹟奇聞得是以傳於遠。其爲器物雖微而功用甚大。故特著於篇。云昔吳王夢筆點額。齊王夢筆畫衣。舍人李嶠夢筆二枝與馬裔孫之夢相同。范質和凝夢筆五色。與江文通之

夢弗異黃天叟夢得墨漬之筆於孔子紀少瑜夢受青錢之管於陸倕楊奐初誕夢神授筆而光射身旁李白少時夢花生筆而名聞天下王珣夢大筆如椽王勃夢九墨盈袖此皆吉兆也乃若詞賦歌謠之夢則取驗紛然不一是故趙武靈王夢處女之歌司馬相如夢大人之賦令狐熾夢桐椎之語荀伯子夢草肅之謠蕭貫夢撰曉寒之詞邢郎夢聽陽春之曲許渾夢改飛瓊之句蘇軾夢作回文之詩狄導度夢爲佳城篇李長吉夢爲玉樓記索綬夢題封角杜牧夢書白駒唐寅夢中呂之字而悲壽年王勃夢太極之言而著易理蔡少霞爲五雲閣吏而書碑碣山玄卿

爲紫陽真人而書宮銘王生夢作西施輓歌沈垞夢爲秦  
女墓刻郭仁表夢道士題紙上官魏夢煬帝借書蘇檢夢  
妻氏裁牋韋檢夢美姬廢律若夫蟾泣桂香長吉升天之  
韻螭鳴槐綻孫樵乞巧之文池生春艸謝公憶弟之章魂  
過大江閨婦寄夫之作張省躬夢友人賦贈李仲雲夢故  
弟誦詩又非夢中傳習者哉

○字畫

字畫屢變後世非蒼頡之舊矣而拆文解夢往往取效如  
松爲十八公槐爲木旁鬼垢去土而爲后虜脫衣而爲男  
羊無角尾而爲王筆點額顙而爲主木破天而爲未河無

水而爲可。狼啖脚而爲却。人上山而爲凶。三刀爲州。二山爲出。片犬爲狀。失禾爲秩。車掛肉而爲斬。箭射狗而爲第。符融知馮昌殺董豐之婦。李公佐知申春殺小娥之夫。晉祚將盡。預悟昌明之言。曾妻于歸。方識田日之姓。崔湜座下聽法而照鏡。李令戴艸入水而持刀。柳刺史柴欠七千。孟少卿字書九十。至於內人爲肉。火軍爲輝。絲山成幽。昆皆有比。角爲刀。下用汝爲水。邊女甄爲土。西瓦聞爲門中耳。與夫蘇棘丹砂丘八之字。並著徵驗。豈非數有前定也哉。

○科甲

科甲爵品莫不有前兆焉。昔孫屋夢踐積木之上。袁郭夢立北斗之下。李廸夢剃髭。曾迥夢添耳。胥偃夢斬項。劉沆夢落頭。楊通夢狀元投刺。乃稱龍首山人。堂吏夢狀元姓劉。乃稱火山軍士。王黻夢作樂迎狀元至。張黼夢登第在狀元前。馬希先夢靈槎之題。秦少游夢殯柩之葬。林榮祖改名溫而鄉闈薦居第一。孫貫改名抃而春榜列居第三。彭時岳正得魁首。皆預夢於外官。王鏊錢福爲狀頭。竝應夢於主考。王文博夢熊誼。劉鑄之次第。丁咸序夢龍起駱起之聯名。宋嶽改名言而春魁及第。輒貞改名著而四舉登科。韋詞夢狀頭。李固言。樊系夢榜首。王正卿。楊敬之夢。

濮陽之姓皇甫弘夢石婆之神宋主策士夢萊齊殿基沈  
晦中魁夢身跨鵬背是科甲之顯實有先徵況爵品之榮  
又非前定者乎故文彥博入江瀆廟而巫祝已知顯職裴  
玄真過華山祠而老人報以貴期張文懿爲相已預兆於  
寺僧呂夷簡當權亦先徵於濠守王播夢坐於村之左潘  
玠夢立於趙之東高襄州商衡陽夢有人呼何僕射朱少  
卿夢聞鬼話曹確夢爲僧而杜宰相退位玄宗夢孝子而  
韋見素持衡張鎰夢任調拜麻奚陟夢吏書汗墨徐羨之  
夢先人告以當貴劉穆之夢鎮軍忽爾相迎沈裕可授五  
品之官邢陶難得水部之牒薛長史旬日除招討之職王

小將終身掌將相之權。陳安平。東司異遷。李輔國官祿。口盡華母夢其子爲司隸。楊礪夢其主爲天尊。至於陳文帝之夢昭達。宋仁宗之夢馮京。此與高宗之夢傳說。成祖之夢周舟。何以異哉。是皆君臣神會。幾兆不凡。而劉禹錫所謂夢想神明之遊。柳宗元所謂寤寐天顏之近。要非諛詞也已。

○神怪

神怪之譚。聖哲所闕也。易稱睽鬼。詩詠百神。書紀六宗。禮別五祀。是蓋體物之旨。均非欺俗之文。若謂夢魂之有交。豈免謬悠之深議。然緇函青史。或炯炯載焉。何得概以爲

夢林玄解

卷二十九

三

虛也。茲條數端，用倒波蔓，亦足以見事有定而難更。幾有兆而莫匿，詎非君子修身俟命之監乎？昔唐堯夢白帝，遣子夏禹夢蒼水，告書迨我。

高皇帝夢天神授衣，成祖夢城隍救駕，此則聖君之夢。關屬運代，非可神怪論也。若虢公夢蓍收，趙嬰夢天使子玉夢河伯，秦皇夢海神，明帝夢金人丈餘，劉曜夢金人東向，符健夢朱衣使者授龍驤大帥，杜陵夢朱航池君稱征討將軍，趙槩名更於金錄，孫抃名慎於春榜，鄭權名署於滄門，秦彥名變於人呼，張闔名定於神書，曹熙名同於賢諱，謝敷夢山神而得利，習郁夢山神而封侯，許攸夢爲北



斗星君。明皇夢得南山進士。楚王夢遇巫山神女。后羿夢  
逢洛水仙妃。田千秋夢白頭翁。而知訟太子之寃。劉靈哲  
夢黃衣老。而能愈母氏之病。徐孝嗣夢童子請移床。而免  
禍。喬執中夢神人來昇職。而還俎。崔浩夢與鬼爭義。而定  
曆。元王延壽夢睹鬼變形。而作夢賦。晉帝夢河神求馬。極  
豁。夢山鬼告行。史浦夢神人來自天上。而知陳氏當興。子  
嬰夢神人至自沙丘。而知天下將亂。趙旭夢青童爲配。弦  
超夢玉女爲妻。夢羣仙奏樂。而傳紫雲之音。夢劉宿守邊  
而得石洞之像。乃若呂光夢傅曜被殺。范式夢元伯告亡。  
皇甫謐夢曹爽受誅。陶弘景夢蕭銍言別。蔡君謨夢張甲

病死楊渥夢徐善遠來。魏高祖夢嵇紹迎謁。盧元明夢王  
由道詩。賈餗夢沈傳師報休。虞集夢陳仲興對語。石虎夢  
宣威而託其子。張駿夢子瑜而擢其孫。王奉先夢愛子王  
家庭。陸休符夢友人爲隸卒。諸葛母夢元崇罹禍。緱氏尉  
夢叔敏告災。唐太祖夢魏徵。杜如晦。唐太宗夢薛收。虞世  
南。此則遊魂未久。憑夢相通者也。亦有往代之英。遠寓後  
人之夢。如齊景夢伊尹。桓帝夢老聃。吳孫皓夢霍光。宋高  
宗夢崔令。司馬括夢鄧艾。呂子明夢義文。李壻夢田先生。  
玄宗夢孫思邈。孝武夢漢高祖。黃翻夢孤竹君。此與孔子  
夢周公同乎。異乎。至於孔子在天之靈。則又劉勰張之純。

黃淵黃澤鄭玄譙周齊季鉉所嘗夢接者也高母夢仙語  
而名子爲琳劉父夢奇事而名子爲樵高彥夢道士之生  
而名子爲禮馬從政夢妻父致謝而名子爲涓趙葵虞集  
均叶夢於南衡倪岳尚書特有感於北鎮夢鄧禹而生范  
祖禹夢李白而生郭祥正夢謝靈運而生邊鎬夢牛僧孺  
而生劉沆夢戒禪師而生蘇軾夢許真君而生宋庠若夫  
維嶽降神之雅詩蓋亦玄宰生人之妙道故榮王夢金帽  
神人入室而生理宗阿蘭夢金色神人趨榻而產六祖尹  
氏夢老翁賜男而名子爲瑞劉述夢神馬載兒而名子爲  
朝茲惟載之簡編猶未足爲奇異惟楊億始生而體有鶴

蛻薛瑄初誕而肌若水晶則今昔所鮮聞也豈輪迴邪說也哉

○壽命

壽命短長智者不惑然光陰迅邁則聞道脩身之學聖賢所汲汲敏求者也昔文王之母夢生子壽而昌宇文之母夢生子壽而貴武王九十三而終乃文考與以三歲龔母八十二而卒乃厥孫所得五年楊大年數至四十七而告殂劉弘敬壽增二十五而無恙李適至夢論大衍全數而壽止四十九褚彥回夢差卜著一策而壽止四十八沈慶之夢絹二疋劉之亨夢鯉二頭王華占夢棘而知爲妖徵

趙直占夢桑而決其壽數。實老夢延三紀。徐溥夢有兩干。查道夢積善而增齡。鄭玄夢歲辰而合讖。顏畿齒數未終而復生之夢有驗。慕容法年算將盡而禪位之夢可推。宋頴夢亡婦來辭。李妻夢夫君泣別。婁公夢祿命之籍。呂涇夢地府之官。栢折夢太守相迎。王瞻夢吏人奉召。此則天命不移。人生前定者也。若夫棺槨塚墓。乃送死厚終之制。而形諸夢寐者。亦有吉凶之殊焉。是故趙良器夢棺十一而貴列中書。高達夫夢棺寬大而秩改詹事。夢一棺至堂中而李公入相。夢二棺落天上而索充再遷。陽休之夢登冢板柱而進位封公。朱照鄰夢造棺弗成而應舉下第。周

夢才志角 卷二 夢 堅伯夢講道坐陰堂歎其壽盡李元忠夢執燈入父墓號  
在光前至於溫序李德裕之死也皆託夢而得歸葬豈非  
精爽之未嘗泯滅者哉

○鳳鳥

鳳鳥仁鳥也德茂丹穴道光於庭蓋與麟龍竝靈矣自鳳  
而降總稱凡鳥而叶夢則有辨焉周宣夢書曰雞爲武吏  
有冠距也夢見雄雞則憂武吏若然則鶴鳥爲仙鳥鷹隼  
爲義鳥鳥爲孝鳥雉爲介鳥孔雀爲文鳥鴻雁爲賓鳥鵲  
爲喜鳥睢鳩鵲鴿爲有別有序之鳥鵩鵬爲妖鳥不可類  
推乎是故夢鳳下溪澤而齊世祖位禪宋朝夢鳳止家庭

而段少連官居學士夢鳳集其身而娠王遠知也。曾誌識其爲神仙宗伯夢鳳集左肩而生徐孝穆也。寶誌歎其爲天上麒麟夢吐白鳳而楊雄甘泉之賦成夢接赤鳥而劉漢太公之祥顯夢紫鳥下降而命名爲鸞夢大鳥高飛而改名爲翀夢彩鳥入口而羅含擅文藻之佳聲夢雙鳳集拳而孫氏遭削桐之凶訊夢吞金雞而產興宗是爲逸主之兆夢懷玉燕而孕張說。是爲宰相之徵夢羣鶴而張氏生九齡夢翠雞而施氏生四子夢雁鶴來迎而康節之數盡夢雌鶴飛去而永叔之女亡夢折鸚鵡之翼而廬陵王因以召還夢駕仙鶴以遊而李抱真終於不悟夢身爲鶴。

鳥而沈晦得大魁之兆。夢身爲蝴蝶而莊周識物化之原。  
夢雀銜丹書而文王起爲西伯。夢鳥銜長傘而徐子果以  
惡終。夢孔雀羽爲袞服。此南齊之所以興。夢金翅鳥食水  
龍。此南齊之所以弱也。

○獸羣

獸羣以麟爲瑞。昔孔子夢芻兒捶麟得麟書三卷。其後西  
狩獲麟遂作麟經云。熊爲伯繇之神。又爲晉卿之祖。故晉  
平公夢黃熊入寢門。趙簡子夢射熊在帝所。此左遷之言  
可考也。而符健之母夢大熊據戶雷機之父夢黑熊行天  
非小雅所謂男子之祥乎。虎稟秋殺之氣。山獸之長暴虐。



不祥之兆也。故胡亥夢虎嚙左驂。曹爽夢虎銜雷公倪盜。因夢白虎而生。周令因夢乳虎而病。獅爲毛羣之特。象本搖光之精。故王敬則夢騎獅子而位至太尉。張成遜夢得大象而官居郡守。至於佛祖之生。則應白象之夢焉。馬牛二畜。取象乾坤。而占夢者或以馬爲火。而卦屬離宮。牛爲陰。而類同廟鬼。故黃平夢舍中馬舞。而火作。唐武夢空中馬飛。而事成。童豐夢乘馬停水。而喪妻。劉述夢神馬載兒而得子。李伯鄰夢洗馬。張文成夢乘驢。蔣琬夢牛頭流血而進公位。周繕夢牛尾垂雙。而失貨財。陳邑宰夢道聽牛言。張丞相夢誤斷牛訟。若失坎豕。艮狗兌羊。亦皆家畜。而

夢林玄解

卷三

致古

无

夢

夢兆有同。漢景帝漢降赤氣。安祿山夢化黑猪。燕相夢豕  
變龜。關羽夢猪。嚙足。裴子夢射狗而得第。王敦夢犬噬而  
喪軀。李令夢母猪極大。而得爲屯主。許超夢盜羊入獄。而  
得封城陽。吳夫差夢黑犬走號。而滅於句踐。張天錫夢綠  
犬偪咋。而敗於符堅。吳近夢白羊。而賢后產於末年。高宗  
夢白羊。而孝子生於未月。黃帝夢驅羊萬羣。而得乎力牧。  
李公夢食羊萬數。而驗於異僧。乃若狼稟金精。以狗爲舅。  
鹿洒斗曜。以羊爲友。故張鉞夢與蒼衣人會。譙晉婦夢與  
黃褐人相淫。此狼之爲妖也。史思明夢鹿死水涸。而命盡  
須臾。吉士瞻夢鹿轉成堆。而祿遷十一。此鹿之爲兆也。凡

爲獸羣者可不觸類而占也哉。

○龍蛇

龍蛇之夢載於傳記可據而譚也。有夢龍而應降誕之祥者如漢薄昭夢蒼龍據腹而生代王。晉李后夢兩龍枕膝而生孝武。漢王夢龍墮衣上而生英宗。黃妃夢龍納懷中而生度宗。豐公之妻夢烏如龍而生太公。魏武之后夢日化龍而生文帝。北齊婁后有四龍之夢。南齊陳后有小龍之夢。是也有夢龍而應尊貴之兆者。如後漢光武夢赤龍上天。南齊太祖夢乘青龍逐日。劉穆之夢船挾白龍而受宋武之召。趙汝愚夢背負白龍而爲理宗之臣。荀伯玉夢

齊帝六龍出腋。滕雋夢吳程赤龍化形。南唐義祖夢祖身  
取龍而得烈祖。烈祖夢殿檻繞龍而得元宗是也。至於黃  
帝氏夢龍授白圖。王積薪夢龍吐棋經。蓋靈妙之理。造化  
所洩也。西京雜記謂董仲舒夢蛟龍入懷而作春秋繁露。  
不有繇哉。亦有夢龍而非祥者。如郭瑀將終。則夢龍止於  
屋。孫休陶母夢乘龍無尾。果著絕後之徵。然吳澄之生。鄰  
媼夢蜿蜒之物降於池中。龍乎蛇乎。未可知也。夫蛇亦龍  
類。厥兆不同。故秦文公夢黃蛇亘天。晉文公夢大蛇當道。  
劉禪夢蛇生足。隋侯夢蛇報珠。唐琮夢蛇繞身而作草書。  
范延光夢蛇入腹而著異志。西蜀李雄之生。大蛇見夢於

母氏南齊遙光之敗。羣蛇見夢於城人。然謂虺蛇爲女子之祥。豈盡然哉。

○龜魚

龜魚蠅蟻之屬。莫不稟氣於陰陽。存形於水土。故抱朴子曰。雞有搏棲之雄。雉有擅澤之矯。蟻有兼弱之智。蜂有攻寡之計。又曰。周和王南征。一軍盡化。君子爲猿鶴。小人爲蟲沙。豈非各從其類哉。昔宋君夢神龜出使於河伯。高虜夢神龜。隕命於秦庭。劉贊夢金龜而進文才。梅老夢黃龜而生男子。燕相有夜光之報。韓愈作玄夫之詩。萬畢得名。龜而夢送水中。淳于棼見腐龜而夢獵山上。然稽諸易象。

龜屬離而魚屬巽其見於夢豈特詩人衆魚之夢應豐年而已哉漢武夢魚求去鉤而獲珠胡妻夢魚躍水盆而生姪太守劉之亨夢魚乞命與邑宰阿失里夢魚禁捕者無異也而一則延算一則溺民則悟不悟之殊爾乃若昆蟲之屬厥類寔繁青蠅止樊詩人所刺故昌邑王賀夢蠅矢積階吏部何晏夢蠅頭聚鼻皆有讒兆焉蛆蟲則依附而不散衆庶之象也故馬后夢飛蟲入膚唐祖夢羣蛆食體皆有貴徵焉至於蟻本螫蟲亦居王號奉檄南柯爲郡守而大治浮蘆江上能穴獄而報恩此或文士寓言要亦夢境所有也

○草木

草木入夢各以類應。劉向曰：心應棗，肝應榆。周宣夢書曰：松爲人君夢，見松者見人君也。又曰：榆爲人君之德，至仁也。夢採榆葉，受恩賜也。夢居榆樹，得官貴也。又曰：楊爲使者夢，持楊奉使命也。又曰：禾稼爲財田之所出，夢見禾稼言財氣生。夫周宣善占夢，其書雖不見其全，茲亦可窺其概云。昔太姒夢商棘，周梓而國家興；亾卽此乎判矣。丁固夢松而爲貴兆，張宅夢栢而作凶徵。夢楓生腹志，和名動。楓宸夢柳仆地，宗元職居柳牧。夢大魚食蒲，知符生之將廢。夢滿江長艾，驗蕭帝之將昌。李夫人夢木瓜二株，劉巢

林夢石榴兩樹紹宗夢蒜申母夢芝明皇夢藤花吳近夢  
芍藥劉浩夢籬下粟蔡茂夢殿上禾劉靈哲夢竹筍而母  
病可痊張之純夢嘉果而賢嗣遂誕爾朱兆興兵夢盡拔  
馬蘭之草劉昌言下第夢飛入刺桐之花陰貴人夢食瓜  
甚美而種自蓬萊宋孝子夢得瓜奉母而事傳魏國符堅  
夢菜城而難乎爲將王戎夢桑椹而相繼遭喪何生夢桐  
木爲像而鄰產最良張尋夢竹節生庭而暴貴不久雖云  
植物之無情亦見夢占之有像也

○施報

施報幽明之常理也善惡既積慶殃有餘形聲所存影響



不貳。故普曠惠於有寔者。必蒙顯佑。加慘毒於無辜者。自受陰誅。昔魏顯嫁父妾而老人結艸於道衢。李珣濟貧人而仙府書名於石壁。陳妻耐古塚以茶而獲貫鈔十萬。周婢拔髑髏之刺而得金鐲一雙。豈覲利於沙漠。迂談以惑俗者哉。乃若趙氏之冤。搏膺請帝。良夫之酷。被髮叫天。姚萇害苻堅而率鬼相攻。陶繼斬樂伎而訴天得理。漢靈帝殺宋后而上天震怒。宋廢帝殺宮女而佞倖肆殃。高昂殺奴京兆而膏血淋漓。陳悅殺賀拔岳而精神恍惚。徐溫發朱瑾之尸。因得病而改葬。張湊收杲卿之髮。因見夢而立祠。彭妻嗜殺而死於不義之奴。胡篤誣夫而亡於不育之

孕。商仲堪葬水漂之槨。鄒潤父埋西土之尸。周簿喪於土囊。而二盜莫匿。劉昌瘞其枯骨。而衆鬼謝恩。城陽王報祖仁之讎。周文王許君禮之葬。如斯類者。蓋未暇縷計也。至於昆蟲之渺微。亦皆稟命於洪造。如董君渡蟻。方父焚一劉之亨放魚。裴安祖活雉。老僧哺鵠。李令瘞羊。金仙呪蛛。恆邈救鴨。厥有感報。祥眚可徵。而況於人鬼屈伸之間。精魂變化之際乎。故曰天網不漏。人心難欺。陽明盛者。神啓其衷。陰濁多者。鬼瞰其尸。形諸夢寐。不有靈驗哉。

○泛喻

泛喻不如切思。博評不如約說。夢寐所兆。事涉微茫。非約

說而切思。將移神而蕩志。故衛玠昧於夢想者。冥切思之功而樂廣善於剖析者。獲約說之旨也。莊子曰。方其夢也。不知其夢也。覺而後知其夢也。此語夫夢覺者也。而非所以語夫夢夢覺覺者也。知夢夢而覺覺。則達於死生之故。明於終始之端。夢亦覺也。覺亦夢也。夢亦覺也者。如莊子夢爲蝴蝶。梁世子夢魚鳥者也。覺亦夢也者。如太史芻狗之夢。周宣芻狗之占是也。若夫盧少年受邯鄲之枕。功成壽終而黃梁未熟。楊國忠得龜茲之枕。通仙渡海而玄境可遊。則是宇宙一枕也。進退榮枯。枕竅出入者也。王起所謂夢裏麻輪。豈不誠然乎哉。嗟夫夢之成也。又非可以一

竅求矣。靈樞經曰：淫邪襲內，必發於夢。則瀉其有餘，補其不足，而夢可已也。內經曰：少陰之厥，令人妄夢，鍼刺違時，令人善夢。則合之五診而脉可知也。至於鯉湖仙廟祈夢，有徵蓋川嶽之靈，知人休咎，故託夢而洩其幾。朕爾而融高之草，可以占夢，豈非蓍莢之類，通於人心者乎。然元魏詔誅沙門，以明帝金人之夢出於虛妄，此固闢邪之確論。要非占夢之圓機，不然則周之盛時，文治大興，何以得吉夢而拜受金之世祖，華言未諳，何以卜夢寐而興師也耶。自衛國嬖人讒逐太叔而占夢之術始不可憑，自安虜立祠，援夢以欺帝，楊妻生子引夢以欺夫，而夢始不可占矣。

悲乎。豈夢之不效哉。吾之述逸旨也。其夢乎其覺乎。吾不自覺也。是亦夢也矣。後之君子。試覽逸旨而耳吾曩夢。

夢林玄解卷之二十九

夢徵小引

原夫夢開休咎詳夢占矣而  
復以徵綴之者何誠謂不徵  
諸已往則無以信于將來耳  
爰溯鴻古下迄輓代凡帝王  
卿相士庶賢愚男女老幼之

夢。所夢若天地日月。雷雨風  
雲。人物鬼神。用羗事爲山川  
艸木。辭札姓名之類。稽之經  
史。識記筆載。彰明廣羅。肆攷  
採其尤可信驗者。悉彙而輯  
焉。俾人覽之。觸類而通。稽古

而信是。六。占。夢。家。之。龜。鑑。也。  
若。乃。去。幾。密。諦。幻。化。無。窮。凶。  
吉。互。藏。妖。祥。迭。現。殊。未。易。推。  
苟。思。媿。索。謝。之。微。言。曲。中。如。  
燭。炤。數。計。而。券。合。焉。在。慧。心。  
者。之。精。心。以。領。之。耳。倘。泥。昨。



夢以徵。今猶之膠柱而調。刻舟而覓。何以語于通達之智哉。然則夢徵之集。其不可以已乎。曰。不也。夫夢徵之集。固引而不發者。機也。高明專技。剖祕抉玄。神明揣測。豈自有。

得第不脩覽乎此慮亡以擴  
術業之未宏資敏悟之弗逮  
借彼一葦作茲寶筏又奚辭  
搜擷之勞而緩此一編也伯  
起張氏感夢病瘳編為類考  
其採錄博其叙述精其用心

良苦而余復爲之補缺軼訂。  
舛訛彙成帙。顏之曰：微以。  
視前編，蓋不翅倍之矣。良以。  
人生之成敗，廢興死生禍福。  
強半必形于夢，而占之者，顧。  
執一見以求，不克旁參之類。

長之。使鬼物神魂隱。善詔者。當前迷昧。寧不誤人。趨避之機乎。故夫夢微之于夢占也。譬猶夜行之炬也。前車之軌也。而實占夢家之龜鑑也。得是集而及。覆精探錯。綜引。

悟其不足以語通達之智。而  
觀造化之靈哉。者有是理哉。  
戊申夏五白門老人李登  
書

夢林玄解卷之三十

夢徵

天象部

天類  
雪風

日月  
雷電

星斗  
虹烏

雲雨  
水火

○○○天類

○上天虞

帝堯受封於唐為諸侯嘗夢上天故二十而登帝位。

○天壓已周

穆子去叔孫氏及庚宗遇婦人使私為食而宿焉問其行告之故笑而送之適齊娶於國氏生孟丙仲壬夢天壓已弗勝顧而見人黑而上僂深目而顴喙號之曰牛助予乃

勝之。旦而皆召其徒。無之。且曰志之。及宣伯奔齊。饋之。宣問曰。魯以先子之故。將從吾宗。必召汝。召汝何如。對曰。願之久矣。魯人召之。不告而歸。既立所宿。庚宗之婦人獻以雉。問其姓。曰。予長子矣。能奉雉而從我。召而見之。則所夢也。未問其名。號之曰牛。曰唯。皆召其徒。使視之。遂使爲豎。

○天與已蘭

春秋

鄭文公有妾曰燕姑。夢天使與已蘭。曰。余爲伯儵。余而祖也。以是爲而子。以蘭爲國香。人服媚之如是。既而文公見之。與之蘭而御之。辭曰。妾不才。幸而有子。將不信。敢徵蘭乎。公曰。諾。遂生穆公。名之曰蘭。

○捧已上天 西漢

文帝嘗夢黃頭郎捧已上天。及見，乃鄧通也。遂愛幸之，賞賜累鉅萬。相云：「當貧餓死。」帝曰：「富通者在我。」乃賜通銅山，得自鑄錢。後有罪，寄死人家，竟如相言。

○自訴於天 西漢

靈帝后宋，爲中常侍王甫等陷廢，憂歿。後帝夢見桓帝，怒曰：「宋后有何罪過，而聽用邪孽，使絕其命？」勃海王悝旣已自貶，又受譖，斃。今宋氏及悝自訴於天，上帝震怒，罪在難救。夢殊明察，帝旣覺而恐，尋亦崩焉。

○乘龍上天 東漢



光武召馮異曰。我昨夜夢乘赤龍上天。覺寤。心中動悸。異因下席拜賀曰。此天命發於精神也。遂與諸將議定。上尊號。

○捫天

東漢

和熹鄧皇后。太傅禹之孫也。嘗夢捫天。蕩蕩正青。若有鍾乳狀。乃仰嗽飲之。以訊諸占夢。言堯夢攀天而上。湯夢及天而飮之。斯皆聖王之前占吉不可言。永元七年。后入宮。年十六爲貴人。恭肅小心。動有法度。十四年夏。陰后以巫蠱事廢。至冬立爲皇后。殤帝安帝立。臨朝二十年。

○天際有三人

東漢

馬處伯少年信佛法。作宣漢縣令。元嘉丁丑七月夜。夢見天際有三人。長二丈餘。臨雲下觀。諸天使樂盈於空中。告曰。汝厄在荆楚。戊寅之年八月四日。若處山澤。其禍克消。若過此期。當悟道也。處伯後爲蕭思話參軍。思荊楚之言。懼求解職。將適衡山。蕭不許。戊寅六月得病。至八月危篤。一日忽朗然。遙見西方有三長人。列於空中。詳視之。卽前所夢者也。頃之不見。同居小大皆聞香氣。因而流汗。病卽平復。

○青氣燭天

魏

文帝問宣曰。我昨夜夢青氣自地燭天。對曰。天下當有女。

子寃死。是時帝已遣使賜后璽書。聞宣言而悔之。遣人追使者不及。

○天門九重

東晉

陶侃夢生八翼。飛而上天。見天門九重。登其八。唯一門不得入。閤者以杖擊之。因墜地。折其左翼。後侃仕至八州都督。

○仰視天開

西晉

薛安都嘗夢仰頭視天。正見天開。謂左右曰。汝見天門開否。及宗武踐祚。以功封南鄉縣男。乃歎曰。夢天開。乃其象邪。

○天第十九子

齊

參軍崔靈建夢天謂蕭道成是我第十九子。我去年已使授其天子位。自三皇五帝以降受命之次。至帝爲十九也。

○天中字

梁

沈瑀宿范雲家。夢坐屋梁柱上。仰見天中字。曰范氏宅。後雲經沈攸之。之變屢殆獲免。瑀語陳高祖。高祖曰。雲得不死。此夢可驗。

○天開數丈

陳

陳武帝微時。夢天開數丈。有四人朱衣捧日而至。納之帝口。及覺腹內猶熱。

○升天 唐

宣宗初封光王。嘗夢乘龍升天。言之於鄭后曰。此不宜人知者。幸勿言。歷太和會昌間。愈事韜晦。及武宗崩。遂以皇太叔嗣大位。

○天風海濤 宋

張宣熙寧中夢行仙府中。聞天風海濤聲。振林木。徐見海中樓闕。金碧瓊居。琅琅者數百人。揖宣出紙請賦詩。細視筆硯皆碧玉色。且戒之曰。此間文章。要似隱起鸞鳳。與織女機杼分巧。過是乃人間語耳。宣成一絕云。天風吹散赤城霞。染出連雲萬樹花。誤入醉鄉迷去路。傍人應笑忘還

家有仙人曰子詩絕佳未免近凡酌酒一杯極甘寒忽覺身墮萬仞山而覺

○名掛天曹

宋

竇禹鈞漁陽人爲諫議大夫年三十無子夢亡祖父聚謂之曰汝早修行緣汝無子又壽不永禹鈞唯諾禹鈞爲人素長者至是愈積陰德娶貧嫁孤周困不可勝數後復夢祖父謂曰汝有陰德名掛天曹特延算三紀賜五子顯榮仍以福壽而終後禹鈞年八十二卒五子登第皆爲顯官八孫亦貴

○大哥乘龍上天

宋

宋主未立時有不遜語。后不樂。大臣有不與立太子者。陰進廢立之說。太后言昨夕一夢甚異。見吾兒却在慶寧宮坐。大哥乘龍上天去。大哥者神宗也。韓琦卽曰。却在慶寧。乃是聖躬復舊之兆。此亦好夢。又從容言曰。太后無親生兒女。今皇帝自少鞠于宮中。皇后又是外甥。乃天安排此好兒婦。以遺太后。不易際會。如此豈不愛惜。

○天命爾子宰相

宋

張君悅家蜀綿竹。世以積德聞。紹聖初。再試制科。宰相章惇覽其策。以所對不以元祐爲非。大怒。雖得僉書劍西判。以去。而科目自是廢矣。仕旣不甚達。益篤意植徽貶慶。

以貽後人。嘗晝寢。夢神人自天降。告之曰。天命爾子名德。作宰相。驚而寤。未幾。誕魏公。生時。魏公之兄名滉。君悅。不欲更何從。乃字魏公曰德遘。出入將相垂四十年。忠義勲名。爲中興第一天。固有以啓之者歟。

○捧天者再

宋

韓稚圭知泰州。日卧病。數日冥然無所知。倏然而蘇。語左右曰。適夢以手捧天者再。不覺驚悟。其後援英宗於藩邸。戴神宗於春宮。捧天之兆已見於慶曆中。固知賢臣之勲業。非偶而致也。

○天賜爾子

宋



馮涓字巨濟。父以中年無子。置一妾。極姝麗。每理髮。必引避。如有沮喪之狀。涓父怪而問之。則曰。某父本守其官。不幸而死。家甚遠。無力可歸。故鬻某。今猶未經卒哭。約髮者實素帛。暫以絳綵蒙其上。不欲公見。初無他也。父聞之。惻然。卽日尋訪其母還之。且厚有資助。是夕。夢一羽人曰。天賜爾子。慶流涓父。明年果生一子。因以涓字名之。及長。赴試。復夢羽人曰。汝欲及第。當中三魁。旣而魁太學。魁鄉薦。唱名爲天下第一。

○○○日月類

○日月着身 周

周文王夢日月着其身。

○日入懷

西漢

王皇后入宮夢日入懷後生武帝于猗蘭殿

○月入懷

西漢

王禁妻李氏任政君在身夢月入其懷及壯大婉順五鳳中政君年十八矣入掖庭爲家人子歲餘會皇太子所愛幸姬死宣帝令皇后擇後宮家人子可以虞侍太子者使掖庭令送政君太子宫見內殿得御幸有身甘露三年生成帝於甲館

○負日行

東漢

王美人趙國人也。以良家子應法相選入掖庭。時靈惠何皇后性彊忌。後宮莫不震懼。美人有娠。畏后。乃服藥欲除之。而胎安然不動。又數夢負日而行。光和四年。生皇子協。后遂鳩殺美人。協養於董太后。靈帝崩。皇子辯卽位。董卓將兵入洛陽。廢辯爲弘農王。而立協。是爲獻帝。

○月日入懷 三國

孫堅吳夫人孕而夢月入其懷。旣而生策。及孕權。又夢日入其懷。以告堅。曰。咎姬策。夢月入我懷。今也。又夢日入我懷。何也。堅曰。日月者。陰陽之精。極貴之象。吾子孫其興乎。

○乘龍逐日 齊

齊主蕭道成年十七時嘗夢乘青龍上天西行逐日後受  
宋禪云

○抱日 梁

梁武帝蕭衍以宋大明元年生于秣陵先是皇妣張氏嘗  
夢抱日已而有娠遂產帝

○月墮懷 梁

阮脩容之娘元帝也夢月墮懷中

○日關 隋

文帝夢大小二日關大者光滅墜地色正黃其大如斗帝  
三分取一懷之

○日化爲龍

北

北魏世宗母高夫人。初夢爲日所逐。避于牀下。日化爲龍。繞已數匝。寤而驚悸。遂有娠。是生世宗平城宮。

○日入室

北魏

劉淵張夫人懷孕。夢日入室。覺以告淵。淵曰。此吉徵也。慎勿言。十五日而生聰焉。

○日出室內

北魏

北魏賀皇后。因遷徙游於雲澤。寢夢日出室內。寤而見光。自牖。屬天歟。然有感。生魏主拓跋珪。

○日入臍中

北魏

慕容德母公孫氏夢日入臍中。晝寢而生德。德後稱帝于廣固。

○車載日月唐

鄭光於會昌六年夢車中載日月。光芒燭六合。占者曰。必暴貴。無何唐武宗登遐。宣宗卽位。而孝明皇后鄭氏宣宗之母。卽光之姊也。光以元舅之尊。檢校戶部尚書。諸衛將軍。出爲平盧節度使。

○吞日唐

毛貞輔累爲邑宰。應選之廣陵。夢吞日。旣覺。腹中猶熱。以問侍御史楊廷式。式曰。此夢至大。非君所能當。若以君而

言當得赤烏塲官也。果如其言。

○捧日授已

宋

杜太后夢神人捧日授已而有娠。遂生太宗。

○日光耀體

宋

元德李后歸宋太宗。夢日輪逼已。承以裾。光耀遍體。驚寤。是生真宗。

○日初出

宋

喬執中未過省時。父竦素事普照像甚嚴。日夕禱之。夜夢一紫衣僧至堦前。指庭之東。見日初出。甚近而光明不可正視。後英宗登極。遂中第。御名從日也。

○月中兒墮

宋

范文正公夫人有娠。夜夢月中墮一兒。承以衣裾得之。遂生。仁純是爲忠宣。

○四日並出

宋

徽宗在燕山。謂閣門宣贊舍人管幹龍德宮曹勛曰。我夢四日並出。此中原爭立之象。不知中原之民尚肯推戴康王否。因出御衣絹半臂。親書其領中曰。便可卽真來救父母。

○東南日光射身

元

楊奐母嘗夢東南日光射身。旁一神人以筆授之。已而生。



與。其父以爲文明之象。因名之曰與。字煥然。後以文學政事。爲元名臣。謚文憲。

○月花符名 元

月魯不花。就試江浙鄉闈。中選右榜第一。方揭曉。試官夢月中有花。已而果符其名。及登元統元年進士第。敝歷中外。頗著聲績。後死倭難。獲贈典謚忠肅。

○月常四五 明

王司空一夔。字大韶。江西新建人。父任汀洲府推官。時公隨侍宦邸。數夢在府前譙樓。凭枋而立。月常四五。心頗疑之。後公中會試。名在第二。其下第三名。卽婁方也。

○○○星斗類

○北斗墜殿

蜀漢

後主之在娠也。甘后夢北斗墜殿脊上。俄如裂帛。金光照天。及生。乃字之曰阿斗。

○履星而行

齊

高歡嘗夢履衆星而行。覺而內喜。後果代魏。

○星墜壓脚

梁

陳奇初被召。夜夢星墜壓脚。明日告人曰。星則好風。星則好雨。夢星壓脚。必無善徵。後竟以造謗書見枉。遂至于大戮。

○一大星

陳

伍喬苦學家貧嘗有羸童瘦馬之嘆山中浮屠夢一大星入曰伍喬星也既覺訪得喬傾資奉之後舉進士第一

○長庚星入懷

唐

李白始生時母夢長庚星入懷而生因以名之長庚卽太白星也

○星入懷

宋

余崇龜字景望在孕時母葉氏夢星入懷童稚穎悟後擢甲科出知江州恤民禱雨人呼爲佛

○大星墜懷

元

黃潛字晉卿母夫人方娠夢大星煜煜然墜於懷及其生也綉川之水爲之一清蓋星靈川祥所融凝而成者故潛遂以文章大鳴一世卒謚文獻

○文昌星

元

呂思誠母馮氏夢一丈夫烏衣白襴衫紅鞵束帶趨而揖曰我文昌星也乃寤遂生思誠目有神光見者異之後數歷中外言論風旨政事俱有聲官至國子祭酒中書左丞謚忠肅

○神授大星

元

小云石海涯其父楚國忠惠公名貫只哥故遂以貫爲氏

別號酸齋。卽所稱貫酸齋是矣。其母廉氏。夢神人授以太星。使吞之。遂有娠。生酸齋。年十三。齊力絕人。能持槊跨惡馬。挽強射。後折節讀書。目五行下。爲文出人意外。襲祖父爵。不久讓其弟。及拜官。禁近。又能抗疏論事。已而辭疾解組。爲勝國名流云。

○斗間氣傳體

明

常熟陳氏譚母。夢斗間氣下傳體。遂娠。生子察。舉進士。爲監察御史。歷官至僉都御史。以直節稱。享年八十三。

○○○雲雨類

○朝雲暮雨

秦

楚襄王與宋玉遊雲夢望高唐之觀。上有雲氣。王曰。昔先王遊南唐。晝寢夢一婦人曰。妾巫山之女也。朝爲行雲。暮爲行雨。朝朝暮暮。陽臺之下。

○赤氣雲中下

西漢

漢景帝在東宮。納王美人有娠。景帝夢一赤氣從雲中下。召占者姚翁問之。翁曰。吉祥也。必主命世之人。懷夷狄而獲嘉瑞。爲劉宗盛主也。及生男。因名彘焉。是爲武帝。改名胤。

○雲化爲鳳

東晉

徐陵字孝穆。母臧氏嘗夢五色雲化而爲鳳。集左肩上。已

而誕陵焉。寶誌上人見之曰。天上石麒麟也。後位光祿大夫。太子太傅。

○空中凌雲而去 齊

大同中。釋慧約疾夢四部大衆。旛花羅列。空中迎之。凌雲而去。謂弟子曰。我福報當訖。踰旬日。曰。吾今夜去矣。至五更。合掌便入涅槃。

○持節雲中下 梁

武帝夜夢與少君俱上嵩高山。上半道。有綉衣使者。乘龍持節從雲中下。言太乙君召。覺卽告近臣曰。如朕夢。少君將舍朕去矣。

○彩雲靈鳳 唐

王遠知母丁氏。駕部郎中丁超女也。嘗晝寢。夢彩雲靈鳳。集其身。因而有娠。生遠知。遠知少聰敏。博總群書。師事陶弘景。傳其道法。歷陳至隋。煬帝爲晉王鎮揚州。召之。遠知來謁。見須臾鬚髮變白。晉王懼而遣之。旋復如舊。後預議。唐太宗爲太平天子。太宗卽位。將加重祿。固請望山。璽書褒美。後將卒。遠知謂弟子潘師正曰。吾見仙格。以吾小時。誤損一童子吻。不得白。日昇天。見署少室伯。將行在卽。翌日沐浴加冠衣。焚香而卒。時年一百二十有六。甘露三年。追贈太中大夫。謚昇真先生。



○錦獅雲端下

唐

敬暉之將生也。其母夢錦獅五。自雲端而下。四者跳躍鼓舞。若各有所向。其一向母而號者四。及誕暉。幼而神異。每童戲。已輒居尊位。而役其衆。指麾顧盼。法紀森然。識者奇之。神龍間。爲與張柬之等。討武氏。誅二張。復唐帝位。威名大著。封平陽王。後武三思使鄭愔告五王反。卒與張柬之。桓彥範。袁恕已。崔玄暉四人同貶。尋被殺。乃符母夢云。

○輕雲來掩

元

歸陽將生。其母楊氏夢朝日出東山上。有輕雲來掩之。故名之曰暘。暘學無師傅。而精敏過人。登至順元年進士第。

歷官至集賢學士有強幹聲且多建白爲元名臣云。

○○○雪風類

○掃雪迎宰相

宋

周必大紹興中監臨安府和劑局局門內失火延燒民家  
逮吏坐死未報必大問寺吏曰假如火日官致當得何罪  
吏曰當除籍爲民必大遂自誣伏坐失官更免歎必大歸  
謁婦翁坐定大雪交下僮子掃於庭婦翁不樂意謂妻以  
女爲門戶計旣失官觸前望殊不爲禮復私訝前一夕夢  
掃雪迎宰相惟必大雨雪中至姑留之宿必大旣歸益自  
刻苦讀書後中博學宏詞科歷官至宰相封益國公果符

婦翁之夢。先是試前。必大夢入冥。見一判官拷掠一捻胎鬼曰。此人多陰德。當位宰相。貌陋如此。奈何。鬼請爲作帝王鬚。及覺。猶隱隱痛。數日。一相士挾貴人書來見。適邂逅於門外。相者問相公何在。必大進揖曰。某前此待罪監局。相者起。將其鬚曰。帝王鬚。真宰相也。必大大驚服。厚贐之。蓋前此種鬚事。雖妻子至親。亦不以告也。

○廬冒風雨

明

洪武中。許方知南昌府。惓惓于學校。嘗夢一儒者曰。吾廬冒風雨久矣。冀太守修之。莫詳所以。及見徐孺子像。方悟。遂葺其亭。

○○○雷電類

○大雷擊首

商

商紂夢大雷擊其首無何周師入而首懸太白之旗

○當爲雷擊死

東漢

吳二臨川水東小民也。事母至孝。一夕有神來見夢曰。汝明日午刻當爲雷擊死。吳以老母在堂。乞救護。神曰。此受命於天。不可免也。吳恐驚其母。凌晨具饌以進。白雲將他適。請暫詣妹家。母不許。俄黑雲起。日中天地昏暗。雷聲闐闐然。吳益慮驚母。趣使閉戶。自出野田。以待其罰。頃之雲氣廓開。吳幸免禍。亟歸撫其母。猶疑神言不實。未敢以告。

是夕復夢神曰汝至孝感天已宥之急宜加敬事也自是孝養其母終身

○虎啣雷公

曹爽夢二虎啣雷公雷公若二升椀放著庭中爽惡之以問占者靈臺丞馬訓訓曰憂兵訓退告其妻曰爽將以兵亡不出旬日已而果爲司馬懿所害

○電光奪日

竇泰之母夢風雷暴起若有雨狀出庭觀之見電光奪日駛雨霑灑而驚汗遂有娠莽而後產泰泰後以功累遷京畿大都督終御史中尉

○雷電燭身

宋

宗澤母劉氏夢天大雷電光燭其身翼日而澤生後爲南  
宋名將之冠

○大雷一聲

明

彭相公華字彥實江西安福人會試之夕夢大雷一聲震  
於其首卽掣手內一編起空中其年公會元後拜學士家  
僕夢公陞詹事往謝侍郎家相望無何果陞詹事蓋與謝  
侍郎同在薦稿故也一日朝退公謂予曰夜來有一夢  
其立御道中手持通政司說帖一本每說一事回顧六  
卿承旨如常時至三四事頗覺難說忽見閣下立于

御道之旁謂某曰將就說過去某遂依從說訖此夢不知何兆予占之曰手持通政司說帖者當爲執政也公笑曰執政執政某思不及此旣而予謝病歸未幾公果入閣

○○○虹鳥類

○虹流華渚

三皇

帝時有大星如虹下流華渚女節夢接之意感生少昊

○赤鳥戲已

西漢

豐公家於沛之豐邑中陽里其妻夢赤鳥若龍戲已而生  
執嘉是爲太上皇

○雙虹自門升天

東漢

李特妻羅氏夢雙虹自門升天。一虹中斷，後生蕩及雄。常言吾二子若有先亡，其存者必大貴。及蕩與羅尚戰，馳馬追擊，角牛倚矛，被傷死。雄後爲成都王儋卽帝位。

○見虹飲水

梁

侯弘實幼貧，嘗寢簷下。其母見虹自河飲水，俄貫于弘實之口。及覺，母問有夢否，曰：適夢入河飲水，飽足而歸。母默喜。後弘實果自行伍至將領，遷一州二鎮，皆近大江。

○白光透目

元上世阿蘭察居，夜寢帳中，夢白光自天牕中入，化爲金色神人來，透臥榻。阿蘭驚覺，遂有娠，產一子曰孛端義兒。



狀貌奇異，沉默寡言。家人謂之癡。阿蘭語人曰：「此兒非癡。」後世子孫必有大貴者。十世後果生鐵木真，爲元太祖。

○ ○ 冰火類

○ 冰上冰下

西晉

索統少遊京師，受業太學，博綜經籍，遂爲通儒。明陰陽天文，善術數，占候，司徒辟除郎中。知中國將亂，避世而歸。鄉人就占者如市。統曰：「攻乎異端，戒在害已。無爲多事多患。」遂詭言虛說，無驗乃止。唯以占夢爲無悔吝，乃不逆問者。孝廉令狐策夢立冰上，與冰下人語。統曰：「冰上爲陽，冰下爲陰，陰陽事也。」士如歸妻，迨冰未泮，婚姻事也。君在冰上。

與水下人語爲陽語陰謀介事也君當爲人作媒水泮而  
婚成策曰老夫老矣不爲媒也會太守田初因策爲子求  
鄉人張公徵女仲春而成婚焉

火焚寢室

崔浩將害李順夢以火焚順寢室火作而順死浩與室家  
群立而觀之俄而順弟息號哭而出曰此輩吾賊也以戈  
擊之悉投於河後坐暴楊國惡以至於族

地理部

山水

河海

淵江

城省

關塞

山水類

曰水東走

南

伊尹母居伊水上有娠夢有神告之曰曰水出而東走無顧明日視曰出水告其鄰東走顧其邑盡爲水身因化爲桑有莘氏採桑得嬰兒空桑之中獻之于君君令乳之命曰伊尹

○水邊一女

東晉

鄧攸夢行水邊見一女有猛獸在後斷其盤囊占者以爲水邊女是汝事斷盤囊者新獸頭代舊獸頭也非汝南當汝陰後果然

○水有岍爲州

西晉

殷仲堪見流棺莖焉旬日門前溝忽起爲岍其夕夢人自

稱徐伯玄云感君之惠無以報也水有岨爲州君將爲州矣後果臨荊州

○走馬上山

西晉

郡主簿張宅夢走馬上山還遶告三周但見松栢不知門處統曰馬屬離離爲火火禍也人上山爲凶字但見松栢墓門象也不知門處爲無門也三周三期也後三年必有大禍宅果以謀反伏誅

○山上掛絲

晉

薛琬嘗夢張亮于山上掛絲以告亮爲占之曰山上有絲幽字也君其爲幽州數月亮出爲幽州刺史

○洪水沒都

隋

隋高祖夢洪水沒都惡之故遷都大興會有方士言李氏當王李敏小名洪見帝疑其應讖因裴仁基告其叔李渾反收渾及敏族誅之不知洪水乃唐高祖諱淵也

○普告山水萬靈

唐

許旌陽嘗因修觀既畢欲刻石記之得古碑字剝缺不可復識因剗去舊文刊刻新記自是恍惚不安暇日徐步庭砌聞空中言曰許君許君速詣水宮求救不然卽有不測之釁許愕然異之乃焚香虔祀願示求救之由良久復語曰所刻碑舊文雖已磨沒而此時爲文之人是詣水宮

訟云奪我之名顯已之名由此水官將有執對之命速宜求之許君乃訪得舊文立石刊記一夕夢神人相謝再顯名氏無以相報請作水陸大醮普告山水萬靈得三官舉名可以證道許依教修之遂成道果自此水陸醮法傳於人間時大中十年八月也

○上北邙山

唐

右補闕母旻夢着衣冠上北邙山親友相送及至山頂回顧不見一人意甚惡之無何以熱疾暴終

○水際得碑

五季

寶雲寺僧一日夢於舊寺基水際得古斷碑云寺南高基

乃顧野王脩輿地志處也。明日果得碑，乃于基上建野王祠。元成廷珪詩云：塵銷壞壁書千卷，土蝕殘碑字幾行。正謂此也。

○上山見道士運籤

宋

淳化中，李君房至餘杭，患瘡瘍，謁伍大夫廟，見有梅數枝，益開。夜夢上一山，見道士運籤，牌問之。道士乃抽一牌，朱書太字二行云：時來自有期，此去不憂運。行心但如此，不久銷疾病。君房喜而別。既下山，聞梅花香，回望其上，乃昨所見也。既覺，瘡瘍漸愈。後知錢塘作文識之。

○賜善泰山

宋

帝嘗夢神人言賜天書於泰山。卽密諭王欽若。欽若因得之。授中賜馳捧以進。遂成封禪禮。

○山花如錦

宋

沈括嘗夢至一小山。花如覆錦。喬木蒼鬱。山下有水。甚樂之。後謫居潤州。覓得此山。宛如夢中。遂築室居焉。因以夢名溪。林希詩。夢溪謫仙人。松花遶新宅。

○小山流泉

明

高皇將命藍玉等北征。嘗夢殿西北隅。有小山。流泉直下。至御足所履而止。及大軍追虜。進次游魂南道。無水。軍士渴甚。至一小山下。忽聞有聲如礮。使人視之。則四泉湧出。



士馬皆飲得不困乏餘流溢出如溪適符所夢。

○上高山

明

尹相國直字正言江西泰和人赴京會試逆旅中忽夢上高山四顧城市皆在其下但見一人往來山峰之首遂覺公後中第二名初主考商公欲選公爲首副主考錢公盛稱彭公華經義遂置彭爲第一公爲第二。

○戴斗登山

明

黃主事芸江西豐城人夜夢隣火將延戴斗登山而避山有兩廊見堂上冠冕者四座一人起迎曰賢哲來遂酌以酒曰公他日當司刑令坐西席飲畢出門見一赤馬又見

小童捧鹿以進。遂覺。是秋鄉薦。黃中詩經亞魁。甲辰進士。丙午授南京刑部主事。竊詳火者文明之象。斗者魁也。戴斗者魁在頭上也。赤馬者丙午也。鹿者祿也。壬寅年五月黃未第時。夢有吏部尚書乘轎來望。遂過其宅。叔黃沂墳。指曰。當立碑。入宅指門曰。當贈春帖一聯云。日月爭光。白衣郎。叔侄聯攀丹桂。乾坤毓秀。黃牌樓。子孫重沐恩榮。黃問曰。黃牌樓之說何因。曰。爾祖曾作吏部尚書。號爲黃牌樓家。言訖而去。遂覺。詳芸與沂俱以儒士貢於鄉。正所謂白衣郎。叔侄聯攀丹桂也。重沐恩榮。據黃氏家譜。十九代祖元吉。宋天福間。爲吏部尚書。後歷元至今。別無仕進。而

今復顯於芸故也。壬寅年四月初四日。夢與叔沂入寺中。訪友見人寫榜云。你名字當列一百四十六名。出門又別入一所。見皂衣人曰。爾來了。見轎一乘。就坐於上。一人持三簷傘蓋隨行。往西入一儀門。見有三衙門並列。芸從東入。所遇者皆拘拏罪人。後出。又行一處。復見一轎在彼。傍有人云。請坐轎。送過街兩廊。皆兵衛。問曰。爾見榜耶。在第三甲。旣而指前三衙門之曰。入東耶。西耶。芸應之曰。東。其人曰。東乃按察司也。後甲辰會試。果中一百四十六名。廷試第三甲。授南京刑部主事。按察之夢。恐後驗之。癸卯年五月六日。芸夜夢失馬。人云。神攝之矣。視之。果見神廟巍。

義神起立。迂芸曰：還汝馬。爾後爲顯宦，當償之。芸曰：啗遂授以赤馬。芸詰神曰：某何時顯？神曰：三十有四。曰：某壽幾何？曰：七十有三。令芸瞑目，騰雲向空而去。後兩使干蜀，適年三十四，授南京按察司。成化丙午年，卽赤馬之應也。

○○○河海類

○海水壞棺槨

東漢

光和元年，遼西太守黃翻上書：海邊有流屍，露冠絳衣，體貌完全。翻感夢云：我伯夷之弟，孤竹君子也。海水壞吾棺槨，求見掩藏。民嗤視之，皆無病而死。翻乃爲改葬云。

○河水乾

宋

宋主有疾。夜夢河水乾。憂形於色。以爲君人者龍之象。今乃無水。是不獲水居矣。旣而詢諸宰輔。對曰。河無水。乃可字也。陛下之疾痊可矣。帝欣然。疾果愈。

○海上坐玉盆

齊

齊後主緯。母胡氏夢于海上。坐玉盆。日入裙下。遂有娠。五月五日。生緯於并州邸。

○南處海濱

明

成祖嘗夢二神人。言南處海濱。來輔家國。明日禮官言闕中靈濟二真君事。遂遣使函香請神像。於官城西南作官祀之。記文稱二神皆南唐義祖之子。一名知證。一名知諤。

○○○淵江類

○敗我濯龍淵

五漢

汝南舊有鴻都坡成帝時丞相翟方進奏毀敗之尋而自夢上天天帝怒曰何故敗我濯龍淵是後民失其利多致飢困

○江中沙石篆榴

五季

王仁裕初事蜀蜀平歷事唐晉漢以翰林學士屢遷戶部尚書其少也嘗夢剖其腸胃以西江水洗之顧見江中沙石皆爲篆榴之文繇是文思益進乃集其平生所作詩萬餘首爲百卷號西江集竟以文章知名當世

○江水滿河明

强掌教英字仲傑應天上元人由舉人累除遠方鬱鬱不樂者久之後以湘南永平衛學教授考滿忽夜夢江水滿河所乘馬逆而不返莫測其故既而又除貴州赤木衛教授强以地遠竟不之官卒應馬逸之夢

○○○井池類

○井水溢流庭下

西漢

大將軍霍光既薨光子禹與母夫人顯及從昆弟子雲山見日侵削有邪謀顯夢地中井水溢流庭下竈居樹上天夢大將軍謂顯曰知捕兒否亟下捕之禹夢車騎聲正

謹來捕禹舉家憂愁卒與禍會

○池塘春艸 宋

謝惠連十歲能屬文靈運云每有篇章對弟惠連輒得佳語嘗於永嘉西堂思詩不就忽夢見惠連卽得池塘生春艸之句人以爲異

○○○城省類

○遊華胥國 五

軒轅黃帝嘗晝寢夢遊華胥之國旣覺怡然自得天下大治幾苦華胥又夢大風吹天下之塵垢皆去又夢人執千鈞之弩驅羊數萬群帝寤而嘆曰風爲號令執政者也垢



去而后在也。天下豈有姓風名后者哉？夫千鈞之弩，異力能遠者也；驅羊數萬群，是能善牧者也。天下豈有姓力名牧者哉？於是依二夢之占而求之，得風后於海隅，登以爲相，得力牧於大澤，進以爲將。因著占夢經十一卷。又夢兩龍授圖，乃齋往河洛求有大魚泝流而上，魚泛白圖。帝跪受之，卽河圖也。

○洛陽車騎三國

安定皇甫謐以九年冬夢至洛陽，自廟出見車騎甚衆，以物呈廟云：「誅大將軍，曹爽寤而以口其邑人。」邑人曰：「爽兄弟與重兵，又權尚書事，誰敢謀之？」謐曰：「昔漢之閭顯倚母。」

后之尊權國威命。可謂至矣。閹人十九人。一旦尸之。况爽兄弟乎。已而爽果見殺。

○已出江東

東晉

咸和中。丹陽尹高惔于張侯橋。得金像。付長干寺僧。後西域胡僧五人來詣惔。曰。管于天竺得阿育王造像。至鄴下。值倭亂。埋像河邊。今尋覓失所。我輩夢見像曰。已出江東。爲高尹所得。故特來言之。乃送僧至寺。見像皆唏噓涕泣。像放毫光。燭照殿宇。

○蝟攻鄴城

齊

高湛夢大蝟攻破鄴城。故索境內蝟膏以絕之。不知後主

夢林玄解

卷三十

城省

五

夢徵

名緯音與蜩協乃亾齊之徵也。

○人盡南渡

梁

戴洋將赴洛夢神人謂之曰洛中當敗人盡南渡後五年揚州必有天子洋信之遂不去既而皆如其夢。

○滿城菜

梁

苻堅將欲南伐夢滿城出菜又地東南傾其占曰菜多難爲醬也東南傾江左不得平也。

○黃衣圍城

陳

陳後主夢黃衣圍城乃盡去遶城橘樹及韓擒虎賀君弼兵不久入建康乃知圍城之兆云。

○金像飛越城外隋

呂光攻龜茲城夜夢金像飛越城外。光曰。此謂佛神去之。胡必亡矣。果平龜茲。

○決城而覆元

至正二十三年。元順帝一夕夢大豕決都城而覆。因禁軍民畜猪。比天兵至柳林。順帝召百官議戰守計。忽有二狐自內殿出。帝歎且泣。卽命開建德門北去。明年高皇聞其駐應昌也。馳書開示禍福。順帝因答詩云。金陵使者渡江來。漠漠風烟一道開。旺氣有時還自息。皇恩何處不昭回。信知海內皆王土。亦喜江南有俊才。歸去誠心煩。

爲說春風先到鳳凰臺。蓋豕者。朱姓。決城而入。狐者。胡人。  
下殿而走。天之示人良亦顯矣。

○南京放榜

明

朱梅庄吳中士人。癸酉春正月。忽夢南京放鄉榜。見徽州人葉琦。姓名作解元。覺而識之。至本年八月將終。數問自京師來者。解元是葉琦否。人曰。某來時未有榜出。不知爲誰。至九月初。始見京闈錄。果祁門葉琦也。梅庄咲曰。何與於我。

○關塞類

○繇獨松關

宋

鄧道樞以齋科精嚴。際遇理度兩朝。一日謝后遣巨璫召至內後門。泣降德音。且令其責軍令狀。使無泄。乃言昨夢濟王大怒。以爲吾且將兵繇獨松關。滅汝社稷。以此令道樞于高峰頂爲謄心章。哀告上帝。已而獨松果有黃頭先鋒。斬關而入。

○行塞下沙

明

高太史昫夢行塞下沙。詩云。夢行塞下沙。無水無蒹葭。牧羊人歸霜艸短。平地雁群棲不暖。騎馬茫茫入遠烟。一行衝起上秋天。我夢驚回雁飛去。角聲吹斷江城曙。

○○○橋境類

○清水橋邊

明

一儒生至九仙廟祈夢。夢中一人語曰。成不成。成。平不成。平。清水橋邊。乃見分明。此生久不遇。每憶此夢。然卒不知所謂也。一日過一橋上。題曰清水橋。生訝焉。頃之。有一老父至。生乃述所夢以問之。老父對曰。生今年得矣。成不成。成。戊字也。平不成。平。午字也。今年戊午。將無徵乎。已而果然。

○引登高境

明

蔣燾爲樂亭令。遺胎。母方在蓐。恍惚見道流三人入房。便失其一。燾在襁褓。神穎能言。九歲治四書易皆通。十一入

爲府學生。十四應鄉薦。高捷而聲蜚。丁巳之歲。其年十六。冬月將盡。一旦枕上呼母曰。母寧知帝都有紫府瑤臺乎。母曰。不知。又曰。兒嘗以母老辭歸。可乎。母訝其不倫。且謂。嚙語。置不問。至元日。其姊夫劉玠入齋。見易書中有書。紙千百言。取觀。乃燾所記前夢事。其初曰。某年月日。夢老父引登高境。曰。紫府瑤臺撰文曰。翠碧重華玉殿金闕。其末曰。燾再拜泣請。家有老母。乞放歸養。姑還云云。玠未及讀。中文燾適來奪之。母亦來取視。燾窘遽云。母母觀。泄天中機。母惡之。抵于地。燾遂拾置冊中。其年三月十一日。燾竟卒。



○○○園地類

○神見後園

齊

高湛夢神見於後園其體壯大不辨其面兩齒絕白長鬚于屨自後大亂以至于亡

○以地來降

梁

武帝嘗夜夢中原牧守以地來降及侯景歸附帝欣然納之

○○○墻岍類

○墻崩無遺堵

北魏

中山王熙夢有人告之曰任城王當死死後二百日君亦

不免若不信。試看任城家。熙夢中顧盼任城第。四面墻崩。無遺堵焉。熙惡之。無何任城薨。後二百餘日。熙起兵討元義被害。

○登岼卜居

王瞻罷令歸。泊舟秦淮。病甚。夢朱衣吏執牒至曰。君命已盡。今奉詔。瞻曰。命不敢辭。但舟中狹隘。欲寬假之。使得登岼卜居。無所憚也。吏許諾。以五日爲期。至日平明。且當來也。旣寤。便能下床。自出。僦舍營辦凶具。召六親爲別。至期登榻安臥。向曙乃卒。

○墳墓類

○指導見墓

唐

伊慎幼孤長善騎射始爲果毅喪母將營合祔不識其父之墓日夜號哭未浹旬夢寐中若有指導見墓旣寤發壙果得舊記驗之大曆八年也慎以前後戰功累遷檢校尚書右僕射兼右衛上將軍

○以杖指墓

元

黃贊字止敬臨江人父均道延祐間求官京師留贊江南時贊年幼及長聞父娶妾居永平乃往省之則父歿已三年矣庶母聞贊來盡挾其贊去更嫁拒不見贊贊號泣聞庶母居海濱亟裹糧往見庶母復拒之三日不納庶母之

弟憐之與偕至永平屬縣樂亭求父墓又弗得。贊日夜悲哭禱於神。一夕夢老父以杖指墓處曰。見片碑卽可得。明日就其地求之。庶母之弟曰。真是也。有某物可驗。遂啓朽棺得父骨以歸。

夢林玄解卷之三十

終

夢林玄解

卷三十

墳墓

三

夢徵